


社320
83



八旗通志初集卷之一百四十九
名臣列傳九

正黃旗滿洲世職大臣四

圖海



八旗通志 卷一百四十九
都統康熙二年奉

命爲定西將軍。同靖西將軍穆里瑪率禁旅會川湖之師。征流寇餘孽郝搖旗劉汝魁李來亨等。至湖廣有賊兵三千餘。夜犯總兵官俞奮起營。親率官兵分路截殺。敗之。賊又犯總督李國英營。遣副都統赫葉擊敗之。又有二千餘賊犯提督鄭蛟麟營。遣署護軍統領瓦岱等擊敗之。賊又犯署護軍統領根特巴圖魯夸蘭大沙津達禮薩賴總兵官于大海等營。遣署護軍統領哈克山等分兵援剿。俱敗之。旣而郝搖旗劉汝魁等相

繼破滅。惟李來亨擁衆茅麓山。最爲險峻。圖海因與穆里瑪率兵晝夜環攻。盡誘其餘寇殺之。三年八月。李來亨闔門縊死。自焚其巢。得其山寨。誘執僞新樂王。及僞將軍一員。總兵官三員。副將二員。推官一員。賊兵六十一人。盡殺之。得僞銀印一。又招降僞公侯二。將軍一。總兵以下僞官五百八十餘員。兵八千八百餘人。家口三千餘衆而還。六年二月。陞補內弘文院大學士。加世職爲一等阿達哈哈番。七年十二月。以南懷仁稱吳明烜儀象差錯。與大臣等同往測驗。

八年七月。以亢旱奉

命同內大臣伯費揚古等。會同刑部將擬定重犯覆審。酌量減等。九月。自以兼任都統事繁。奏言臣以一身而膺二任。才愧兼長。且非國家文武分途之制。乞解機務。專力戎行。得

旨慰留。十二年十二月。奸民楊起隆。詐稱朱三太子。謀聚衆爲亂。正黃旗下周公直家人陳益與焉。公直呈首其事。言現有不識面之兇徒數十人在其家。卽領官兵圍其宅。悉擒之。是年冬。吳三桂反。十三年。耿精忠繼叛。南方用兵。軍需浩繁。

特命以大學士兼理戶部尚書事。十四年三月。因上疏言近來供應大兵。恐有派累民間。雖屢奉

聖諭禁止。有司未能實心奉行。應勅督撫嚴禁。一應軍需不得私派。夫役不得先期拘禁。徵收錢糧。正項外不得絲毫科歛。民間詞訟。除重情速審速結外。其餘戶婚細事。不得濫准。牽累無辜。並禁衙蠹作奸。指公需索。土豪惡棍。魚肉善良。庶幾安居樂業。民不知兵。

聖祖是之。命速行通飭。是時察哈爾布爾尼乘吳逆作亂。劫其父阿布柰。興兵造反。從嫁郡主長史辛

柱等赴

京奏聞。

聖祖命多羅信郡王鄂札爲撫遠大將軍。以圖海爲副將軍。率師往討。四月癸巳啓行。己酉次岐爾哈泰。聞賊屯達祿。因率輕騎前進。次日直抵其地。布爾尼設伏山谷。率兵三千拒敵。圖海同多羅信郡王等。議將八旗滿洲蒙古烏喇盛京土默特官兵。過山谷。勦殺。挨次前進。忽賊兵一隊二百餘騎。從山溝突出迎戰。撓亂我土默特兵。圖海卽令護軍統領哈克山。副都統吳丹。洪世祿。

委署前鋒統領達克沙哈等。分頭進擊。親督陣指揮。並後至賊四百擊敗之。布爾尼復率兵三千。排齊馬鎗軍器拒敵。圖海同信郡王議將八旗滿洲蒙古烏喇盛京官兵。排列整齊。復領護軍統領哈克山等。分頭進擊。仍親行督陣。擊敗之。布爾尼復聚敗兵千餘。合伊馬鎗兵拒敵。同信郡王親督八旗官兵。分頭進擊敗之。布爾尼合伊潰散兵二百餘人。哨聚岡上拒敵。仍親督官兵進擊敗之。大獲馬鎗盔甲兵器。又招撫察哈爾民一千三百餘戶。布爾尼兄弟僅以三十

騎遁去。其弟炊扎布等亦皆散走。辛亥。聞郡主留居瓦子府東三十里。遣官迎歸。捷聞。得

旨嘉獎。下部議叙。由一等阿達哈哈番。優給一等阿思哈尼哈番。十五年二月辛酉。

聖祖特諭兵部。大將軍貝勒董額等屯兵平涼日久。賊寇尙未剿滅。城池尙未恢復。夫秦省不能卽定。川賊尙在窺伺者。皆由王輔臣未剿滅。平涼未克取故也。其以都統大學士圖海爲撫遠大將軍。率每佐領護軍二名。亟赴陝西。總轄全省滿漢大兵。斷賊餉道。剿滅平固逆孽。速靖地方。大將軍抵平涼時。盡收各將

軍敕印。遇有分遣。酌量給付。其貝勒董額以下。悉聽大將軍節制。三月。統領大兵直抵平涼城下。大揚兵威。壁壘旌旗。倍加精彩。城中震懾。諸將請乘賊衆氣奪。卽行攻城。圖海謂我奉

天威。討此逆豎。何患不克。但念城中百姓。皆

朝廷赤子。一旦誤遭逆豎劫持。以至於此。若卽攻城。恐多殺戮。賊尙能向化歸誠。全此十萬生靈。不更美乎。城中軍民聞之。莫不感激。咸思自拔。以出。賊勢日衰。平涼城北有虎山墩。地勢最高。俯瞰城中。如在掌股。賊用精兵據守。以通西北一

路糧運。圖海親率諸將。周覽城外形勢。因謂此賊咽喉要地。即率官兵攻之。賊眾萬餘來拒。步前馬後。布列火器挨牌。以死固守。因飭我兵分路進擊。自己訖午。大敗賊眾。斬偽總兵二人。餘賊被傷及墜崖死者甚眾。遂奪其墩。獲馬匹器仗無算。從墩上發大礮擊之。及其營署。城中動靜無不畢睹。賊眾惶懼無策。又餉道已絕。始登城乞降。捷

聞。下部議叙。六月壬子朔。疏言臣統兵抵平涼。大敗賊於平涼城下。即遣劄授叅議道周昌入城招撫

王輔臣。輔臣隨遣其副將乞降。恭俟

恩命。

聖祖命頒赦詔撫慰之。丁巳。圖海接奉

恩詔。復令周昌賫

詔入城。次日。王輔臣遣偽布政使龔榮遇等。率士民詣軍門。獻軍民冊。又遣其子王繼正及偽總兵蔡元等。繳所受吳逆偽敕二紙。偽平遠大將軍印。陝西東路總兵官將軍印各一顆。及諸偽劄。因見王輔臣尙懷疑懼。甲子。復遣周昌并親姪前鋒侍衛保定前往。溫言開諭。丙寅。王輔臣即親

至大營叩頭謝

恩。遂入城薙髮。率眾來降。隨傳令各營嚴勒隊伍。止令副都統吳丹一人領數騎入城安撫。秋毫無犯。念百姓無辜。身陷賊中。橫遭塗炭。即飭令地方有司多方賑卹。收掩骸骨。其婦孺避亂在城。流離困苦者。各令報明鄉貫。遣親信將士護送。交與地方官安插。毋致失所。遠邇帖然。反側者聞風來歸。固原偽巡撫陳彭慶陽偽總兵官周揚名嘉峪關偽總兵官王好問關山偽副將孔印雄及雲南土司總兵官陸道清等。各率所屬官

兵相繼來降。戊寅。捷疏至。奉

旨。大將軍圖海恭承簡命。秉鉞臨邊。即宣布恩威。勦撫

並用。平涼一帶。旬月綏平。俱見籌畫周詳。布置神速。克副委用。立奏膚功。朕心深為嘉悅。着從優議叙。有功人員。一併議叙具奏。王輔臣既感戴國恩。悔罪投誠。着復其原官。加太子太保。擢靖寇將軍。立功贖罪。部下官弁。照銜給劄。兵民酌量安插。七月戊申。疏報秦州。熬門等處。逆賊橫行。臣遣振武將軍佛尼勒提督張勇。王進寶等。統滿漢兵會勦。賊不能支。偽將軍吳之茂。於六月二十六日宵遁。我兵

八旗通志 卷一百四十九
追勦。敗賊於牡丹園。復敗賊於西和縣北山。斬獲無算。吳之茂僅以十餘騎越山而遁。隨奉

特旨諭吏兵二部云。撫遠大將軍都統大學士圖海。器識老成。才猷練達。贊襄機務。宣力累朝。以文武之長才。兼忠愛之至性。勞績茂著。倚毗良殷。前察哈爾布爾尼。背恩反叛。命圖海爲副將軍。統兵征勦。運籌決勝。克振軍威。未及一月。捷功立奏。逆賊殲滅。疆圉敕寧。近以平涼等處阻兵日久。屢命勦撫。罔有成效。特簡圖海爲大將軍。總督大兵。節制各路。果爾謀畧淵深。調度得宜。軍鋒所至。一戰克捷。更能體朕好生之

心。宣布恩威。開誠招撫。遂使平涼慶陽固原等處文武官員兵民人等。傾心向化。悔罪歸誠。生民免於塗炭。地方得以安全。數日之間。關隴悉皆底定。皆由籌畫周詳。布置神速。勦撫並用。克建膚功。圖海以心膺大臣。膺秉鉞重寄。實心爲國。克副倚任。朕心深爲嘉悅。於軍功議叙外。應從優加恩。以示朕眷注忠勤。酬答勲庸至意。着議政王貝勒大臣會同議奏。尋議覆加封爲三等公。世襲罔替。甲寅。復疏報。臣遣將軍穆占等。於六月二十七日。進兵罄門。賊遁去。追勦賊於紅崖等處。恢復禮縣。又慶陽僞總兵

周揚名。王好問。僞副將孔印雄等。率所屬文武
僞官九百餘員。兵丁四萬八千二百名。有奇。陸
續投誠。得

旨嘉獎。下部議叙。九月。疏請暫停進剿漢中之役。分兵
防守諸隘。別遣一軍。進剿湖廣。奉

旨。圖海卽多選精銳。率赴湖廣。勦滅逆賊。丙午。疏奏。平
涼慶陽。雖經底定。而投誠兵心。尙未寧貼。漢中
興安。尙未恢復。若臣親領精兵赴楚。恐不逞之
徒。心懷叵測。得

旨。大將軍圖海。着停其前赴湖廣。署前鋒統領穆占勤

勞懋著。着實授都統。佩征南將軍印。統領陝西河南
滿漢諸軍。前赴湖廣。現在陝西諸將。俱聽穆占會同
圖海揀擇。或從荆南渡江。或由彝陵進剿。或赴岳州。
水陸夾攻。相機行事。十二月戊午。疏言。平涼慶陽。雖
已底定。漢中興安。尙爲賊據。臣等議於來春進
討。應先調綠旗官兵。檄提督孫思克。量留兵守
涼州。親統官軍趨赴秦州。將軍侯張勇。遣兵二
千亦赴秦州。提督趙良棟。量留兵守寧夏。親統
官兵。前赴鳳翔。將軍王進寶。遣兵二千。亦赴鳳
翔。俱於明年正月二十日內。齊集所約之地。得

旨。調兵征勦。事關重大。令副都統吳丹。員外郎馬爾漢等。速赴張勇。王進寶。孫思克。趙良棟等軍前。調遣綠旗官兵。或如大將軍公圖海所請。或作何調遣。將軍提督等。孰宜親往。作何前進。至恢復漢中興安時。或駐守其地。或徑取四川。逐一公同確議。遣同往章京馳驛奏聞。十六年正月庚寅。疏言。臣等前調綠旗官兵。本擬於二月內。進取漢中興安。今將軍侯張勇等。咨稱宜視夏秋收穫豐歉。再圖進取。但漢中興安。山峻路險。延至彼時。適遇霖潦。賊守益堅。臣等仍欲調兵。及時進取。得

旨。大兵卽克復漢中興安。須設重兵。重兵一設。則運餉維難。若俟夏秋進取。又頓兵曠日。虛糜糧糗。今將軍穆占。方勦吳逆。機不可失。大將軍公圖海等。暫停漢興之役。留滿洲蒙古兵一萬。同綠旗兵防守秦州諸隘。分兵五千。遣大臣一人。統赴荊州。到日。順承郡王等。量留官兵守荊州彝陵諸處。乘穆占由岳州長沙進取湖南時。相機渡江破賊。四月己酉。疏報。招撫韓城等縣。北山地方。僞總兵喬斌等一百餘員。下部議敘。丁巳。疏言。臣令駐防秦州寶雞官兵。進逼禮縣驛門諸處。隨移檄聲言。大兵分路進勦。

八旗通志 卷一百四十九
今欲進統重兵。深入四川。但恐時多霖雨。輸輓艱難。當俟機會。酌量前進。得

旨。今將軍穆占。協勦長沙。貝勒尙善。與將軍鄂納。水路攻岳。故逆賊吳三桂。親赴長沙。集諸路賊兵。死守湖南。我兵若乘此機會。各路進勦。則吳逆指日可滅。計在陝官兵。爲數甚多。當此逆賊勢分之時。若不進逼四川。則坐糜糧餉。殄賊無期。大將軍公圖海。其仍遵前旨。速行進發。時秦省初定。反側未安。圖海擬分撥各帥。彈壓地方。然後進川。九月。

聖祖諭兵部。今廣東底定。正當破賊之時。亟宜添發大兵。平定湖南。勦滅逆賊吳三桂。頃大將軍公圖海報我兵已經撤回。陝西現有大將軍將軍提督等。勦賊防汛。自無不足。且滿洲大兵。又復不少。宜分滿洲兵。每佐領三名。並酌選將軍提督所部綠旗兵。同京師兵。每佐領三名。遣赴湖廣。其令圖海。會同各將軍提督。確議以聞。丙子。圖海等議覆疏言。臣等本宜撥滿兵。每佐領三名。發往湖廣。但陝西幅幘遼濶。所在並須防汛。今議分滿兵。每佐領二名。酌選三將軍。二提督。標下綠旗兵三千名。同滿洲大兵。付大臣一人。率赴荊州。餘兵分守各隘。得

旨。今當秋爽。正進兵破賊之時。大將軍公圖海等。速分滿兵每佐領二名。委大臣一人率赴荊州。其綠旗官兵。可減一千。止撥二千。令原統率官率往。九月辛巳。聖祖御製詩二首。及衣服等物以賜。十七年二月己未。疏請進攻四川。先是疏請濟師。言今諸路勦賊之際。亦宜進取漢中興安。但臣欲三路進兵。而在秦之兵。若留守諸處要害。則僅可進發一路。請自京增大兵。隨奉

聖祖諭。在陝滿兵。爲數不少。將軍侯張勇。將軍王進寶。王輔臣。提督孫思克。趙良棟。總兵官高孟。部兵尤多。

可與張勇等。公同詳議以聞。至是疏覆。臣等公議。以將軍席卜臣。西安副都統翁愛。陝西巡撫杭愛。領兵鎮守省城。將軍畢力克圖。副都統恰塔。領兵守隴州寶雞關山諸路。內大臣坤巴圖魯侍衛。副都統馬一豹。領兵守潼關。甘肅巡撫鄂善。領標兵。同副都統席迪郎。中拉篤祜等。領蒙古兵守秦州。將軍侯張勇。駐莊浪以防邊。四川巡撫張德地。仍留延安鎮守。延綏總兵官高孟。統標兵。備棧道諸隘賊寇。臣親率將軍佛尼勒。署副都統吳丹。鄂克濟哈。都統海爾圖。西安副都

八旗通志 卷一百四十九
統穆成額。副都統佟世德。將軍王進寶。王輔臣。陝西總督哈占。以滿洲漢軍綠旗兵一萬三千餘人爲一路。將軍阿密達。率護軍統領傑殷。副都統覺和托。夸代。四川總督周有德。副都統吳國楨。署副都統張所養。涼州提督孫思克。漢中總兵官費雅達。以滿洲漢軍綠旗兵一萬三千餘人爲一路。尅期前進。提督趙良棟。統標兵。繼大兵之後。鎮守西和禮縣。得

旨。進剿逆賊。固守秦中。皆大將軍公圖海。將軍侯張勇。將軍王進寶等是賴。應作何留兵固守秦地。使無他

虞。作何進取漢興諸處。規定四川。圖海等協謀熟計。應機而行。三月丁酉。疏言。臣等遣拉篤祜。轉傳

聖諭。令流番各退歸故巢。已遵

旨。陸續出口。但番情叵測。祈遣重臣一員。駐劄蘭州河西地方。固守三邊。得

旨。將軍張勇。駐劄邊地年久。深知地方情形。着自蘭州移駐甘州。固守沿邊地方。四月甲戌。奉

諭旨。卿向在機密重任。澡德浴身。志節高潔。奉命西征。早清巨寇。宣布德意。兵過之地。秋毫無犯。舊德老成。可謂社稷之臣。前者拉篤祜來。知卿平安。朕心良足。

慰也。今因拉篤祜復回汎地。故示朕意。庚寅。疏言。閏三月二十四日。臣遣振武將軍佛尼勒。叅贊軍務署副都統吳丹等。大敗賊衆於牛頭山香泉等處。二十六日。四川總督周有德。叅贊軍務署副都統覺和托等。大敗賊衆於秦嶺等處。恢復潼關堡五寨。下部議敘。六月丁丑。疏報。慶陽地方。有賊首袁本秀。受吳逆僞劄。糾合兇徒。盤踞山林。一月之間。聚集千餘人。窺隙作亂。隨發慶陽宜君延安三營官兵。并移咨奮威將軍王進寶。派撥標兵。協力合剿。四月二十二日。追至衛

遠溝地方。斬僞總兵袁本秀。及僞副將叅將等。并賊二百餘級。賊潰敗。下部議敘。十二月乙未。疏言。今秦省諸要隘。守禦已固。省城備有援師。臣欲輕騎赴京。面奏事宜。得

旨。圖海攜大將軍敕印前來。吳丹仍佩將軍印。暫統大兵。先是提督趙良棟疏言。湖南已經平定。應復漢中興安。願當一路。竭忠自効。

聖祖命大將軍圖海等確議。十八年五月疏言。棧道益門鎮各口。逆賊率衆來犯。據險爲營。今令提督趙良棟進臨武寨。相機而行。俟臣等擊破益門

諸處賊壘。如有進取之機。酌量分道而行。隨奉諭旨。湖南逆賊大敗。困蹙遁走。正當勦撫並用之時。大將軍圖海與將軍總督提督共議。亟殲侵犯寶雞之賊。恢復漢興。以平蜀地。七月疏言。益門鎮逆賊敗走。臣卽遣兵追勦。而賊毀偏橋。無路可通。俟提督孫思克趙良棟到日。會議進兵。得

旨。逆賊旣敗。所在震動。自宜努力窮追。收復疆土。圖海等速調提督孫思克趙良棟等。平定漢中四川諸處。勦殺逆賊。毋失機會。八月庚寅。疏言。進取漢中興安。臣等將大兵分爲四路。臣與將軍佛尼勒等。由

興安進。總兵官程福亮爲後援。駐守舊縣關諸處。將軍畢力克圖提督孫思克等。由略陽進。西寧總兵官朱衣客爲後援。駐守西河諸路。將軍王進寶。漢中總兵官費雅達等。由棧道進。延綏總兵官高孟爲後援。駐守寶雞。寧夏提督趙良棟由徽州之巴都山進。臣等於九月初八日。四路並進。疏入。奉

諭旨。今將軍莽依圖等。大敗逆賊吳世琮。平定粵西。進取雲貴。大將軍安親王。恢復武岡州楓木嶺。擊殺賊渠吳國貴。大將軍貝勒察尼。由常德進取辰州。將軍

八旗通志 卷二百四十九
噶爾漢等自鄖陽進取興安。宜乘賊處處敗衄。逃遁震動之時。分路撲滅。大將軍公圖海。亟統大兵。乘機勦撲漢中諸處賊寇。速定四川。如賊敗走。卽亟躡其後。直搗窮追。勿使占據險要。十月。王進寶擊敗棧道之賊。恢復漢中。趙良棟擊敗賊衆。恢復徽州。又復略陽。十一月甲辰。

聖祖諭議政大臣等。將軍王進寶冒險前進。首先恢復漢中。提督趙良棟亦恢復徽州。隨取略陽。今乘此破賊之勢。各路官兵。王進寶趙良棟作何調遣。前取保寧。平定四川。可詳加議定。知會大將軍酌量而行。尋

議覆令大將軍公圖海率領大兵之半。屯駐鳳翔。防守陝西通省。以護軍統領吳丹爲將軍。率大兵之半。繼王進寶趙良棟後。十二月甲子。疏報。十月十五日。臣等率大兵至鎮安縣。探賊在梁河關。分路進剿。令署理西安將軍事務佛尼勒等爲頭隊。臣親率護軍統領吳丹等爲二隊。行至火神崖。僞總兵王遇隆領兵拒戰。佛尼勒等滿漢官兵奮勇衝殺。渡乾玉河。奪取梁河關。臣等乘勝追剿。僞將軍韓晉卿遁入四川。臣等於十一月初二日。至興安州。僞將軍謝四僞總

兵王永世等。併僞文武官。共三百八十二員。兵丁一萬四千三百餘名。至軍前投誠。恢復興安州。平利。紫陽。石泉。漢陰。洵陽。白河諸縣。及湖廣竹山。竹溪。上津等縣。得

旨嘉獎。下部議敘。是日又疏報。平逆將軍畢力克圖等。於十月十四日。恢復成縣。僞副將王光生。率僞遊擊等官十九員。兵丁三百六十名投誠。叅將康調元等。於十月二十九日。恢復階州。僞王將軍等敗走。渡白水江。十一月十六日。恢復文縣。僞洮岷道王文行。率僞官投誠。已卯疏言。臣欽

遵

諭旨。以建威將軍印。給護軍統領吳丹。同署理西安將軍事務。佛尼勒。分統大兵之半以行。又以漢中要地。雖有陝督哈占。率兵屯駐。經理糧餉。然滿洲大兵。不可不留駐守。請於現存半兵內。撥發千人。令署副都統鄂克濟哈。領振武將軍印。同副都統恰塔。鎮守漢中。今鄂克濟哈已赴京師。姑以副都統翁愛代之。俟鄂克濟哈還日。調翁愛往鳳翔。臣率將軍王輔臣。都統海爾圖。副都統索訥木等。亦往鳳翔防守。

詔從所請。十九年正月戊戌。

聖祖諭議政王大臣等。進取四川。以滿洲大兵爲後應。最爲要策。宜令將軍吳丹繼將軍王進寶之後。將軍鄂克濟哈繼將軍趙良棟之後。陝西已有將軍張勇提督孫思克巡撫杭愛巴錫等鎮守。宜令大將軍圖海帥師前赴漢中。接濟進蜀諸軍糧餉。鄂克濟哈率漢中滿兵馳往。合之吳丹官兵。均分統率。以爲王進寶趙良棟後繼。轉餉源源不絕。相隨而進。是月圖海卽遵

旨統諸帥進攻四川。閏八月己丑。勇略將軍雲貴總督

趙良棟疏報。僞將軍海潮龍投誠。繳送劄印。欲聯絡迤西一帶。身任前驅。請敕諸路將軍大臣速發官兵糧餉。以爲接應。隨奉

聖祖諭。今進取雲貴。爲期已近。大將軍公圖海等。趣所調陝西兵往西川。九月戊寅。疏報。獲僞朱三太子楊起隆。下刑部議覆。已獲楊起隆之妻馬氏。親隨小厮小六兒。並原夥鄭得勝等。現在監禁。應將楊起隆解部。與馬氏等認識審理。得

旨。如所奏行。十一月甲子。建威將軍吳丹疏言。蜀省諸要路。應增兵分守。尋奉

旨。大將軍圖海身任疆場。署副都統希福所率之兵。至漢中時。如何調遣。如何鎮守之處。聽其酌行。二十年正月疏報。逆賊併力來犯四川敘州諸處。請親率兵赴援。尋奉

諭旨。大將軍公圖海既調副都統翁愛率所部官兵。自成都往援敘州。總督哈占總兵官高孟。又各率官兵赴敘。圖海其仍駐漢中。防守秦蜀。冬。以疾還京。十二月十九日。以太子太傅都統三等公議政大臣。中和殿大學士兼吏部尚書卒於位。明年二月。予祭葬。加祭二次。謚文襄。十一月丁巳。

聖祖諭吏部。殫心効職者。臣子之常經。贈爵酬庸者。朝廷之大典。

太宗文皇帝實錄告成。克昭一代之典章。永垂萬世之模範。原任太子太傅吏部尚書中和殿大學士都統公圖海。曾為監修總裁官。著有勤勞。宜行追敘。著加贈少保。仍兼太子太傅。爾部即遵諭行。二十二年五

月癸卯。

聖祖復命立碑賜其墓云。朕撫御方夏。勤求治理。維茲丞弼之臣。協心毗贊。綏靖邦家。實倚賴焉。爾圖海秉資忠懇。砥行端勤。密勿周旋。歷有年所。敬以事上。誠

以持躬。淵鑑沈幾。克膺大任。自爲都統時。嘗平荆楚。西山之亂。還入綸扉。贊襄匪懈。乃逆賊吳三桂。憑藉寵靈。煽動南服。一時羣不逞之徒。囂然附和。察哈爾孤負國恩。造釁構孽。爾以將軍副信郡王。祇承廟算。出關征討。膚功立奏。東服底平。繼以涇原騷動。西土震驚。命爾爲大將軍。以乘勝之師。迴戈西嚮。賊方肆其狂蹶。思與滇逆併力。惟爾以重臣建牙。遂得橫截秦隴。扼吭擣虛。逆勢窮蹙。始帖耳垂尾。復來効命。邇年以來。爾鎮撫三秦。威略大著。能使羣賊膽寒。則凡天戈所指。建耆定之成功者。惟爾勞動爲多。爵以上

公。俾之振旅。方將復煩以機務。與之講持盈保泰之理。共享隆平至治。詎圖勤瘁之餘。溘焉殞逝。腹心失倚。深用盡傷。雖恩卹有加。錫之嘉謚。而朕軫悼元老之心。則未有已也。爰命伐石樹之墓道。使後有溯勲舊之烈者。得以考焉。雍正二年。加贈爲一等公。五月。

奉 配享

入 掌 獻 祭 六 備 儀 備 之 升 出 祭 儀 禮 規 規

奉 配享

入 掌 獻 祭 六 備 儀 備 之 升 出 祭 儀 禮 規 規

奉 配享

太廟。先期祭告文云。功臣圖海。歷事爾圖。爾圖資端。累朝忠勲。夙著。祇遵 皇考昔年諭旨。配享其廟。堂縣云。知 皇考昔年諭旨。配享其廟。堂縣云。知 太廟。從祀春秋。今當孟春時享之期。安設文襄公圖海

牌位於西廡。涓吉具儀。虔申預告。尋覽文集。命建特祠。春秋致祭。其祠堂碑云。朕惟國家義重酬庸。典隆眷舊。丹宸錫寵。已隆配享之文。紫綵揚芬。更重專祠之祭。所以篤純臣。旌丕績也。爾圖海賦。資誠慤。奉職公忠。入掌樞機。允副弼諧之任。出麾旄鉞。屢成克敵之功。運籌而荒服蕩平。威宣闔外。制勝而西陲底定。績奏師中。宜示褒揚。俾膺特祠。輝煌棟宇。色映雲霞。璀璨綸絲。光生碑碣。屆春秋之令序。薦黍稷之維馨。於戲。嘉乃壯猷。丕著優崇之典。念茲元老。宏敷逾格之恩。式克欽承。昭茲來許。先是陝西士民。感念

舊德。奉神主崇祀名宦祠。亦春秋致祭焉。子諾敏襲三等公爵。仕至禮部尚書。諾敏子馬爾賽襲一等公爵。仕至大學士。

八旗通志初集卷之一百五十一
名臣列傳十

正黃旗滿洲世職大臣五

希爾根 子喀西泰 喀喇尼 子札福尼 阿福

舒里渾 孫特爾勤 弟羅多渾 孫空古圖 族人穆魯

鄂能 父松阿禮 德爾格勒 弟尼雅漢

吳巴海巴圖魯 從孫馬克度

根特巴圖魯 父達雅里 子格爾忒

坤巴圖魯 阿喀尼

圖爾伯深巴圖魯 奇塔特魏徵 弟之子希爾布

額參

瓜喇

子庫達禪

昂昆杜稜

克福

父赫臣

子喀齊

安達禮

賴圖庫

覺羅阿克善

達理善巴圖魯

舒書

圖喇

魯里

希爾根

...

...

...

希爾根。滿洲正黃旗人。初隨侍

太宗文皇帝於藩邸。天命十一年。蒙古喀爾喀背盟。

太祖命

太宗同諸貝勒征之。追其幼子囊努克。希爾根馬疲不

前。易他馬馳至。衝入。敗其從兵。天聰八年。授牛

象章。京世職。隨大兵征明。至曹州。遇太監高起

潛兵。領燾先入。敗之。又同固山額真譚泰。敗明

三屯營兵。及我師出邊。明兵來追。諸將護輜重

先行。希爾根獨殿後。敗追兵。崇德元年。超加一

等甲喇章京世職。尋委署燾章京事。七年。我師

證明。由黃崖口入長城。取其邊口。薊州總兵白騰蛟率兵往桃林。固山額真譚泰遣希爾根往薊州城東圍之。騰蛟反擊我兵。與之遇。敗之。順治二年。定鼎燕京。追敘勲舊勞績。以希爾根係太宗眷顧舊臣。加半個前程。是年。追流寇至綏德州。同噶喇昂邦西特庫等。擊偽田總兵走之。進圍延安府。賊攻鑲藍旗汛地。擊却其衆。尋有賊一隻。虎出延安城。攻正白正紅及本旗汛地。希爾根連破其衆。我兵至西安。同噶喇昂邦西特庫往躡賊踪。遇賊二隊。盡殺之。進至湖廣承天府。同

鰲拜巴圖魯先往取城。並擊賊兵於武昌府。及大江等處。凱旋。加授三等梅勒章京世職。三年。隨肅親王豪格征四川。同固山額真噶達洪等。連敗敵五次。遇賊首八大王張獻忠兵。迫我正藍旗汛地。希爾根率擺牙喇擊走之。又敗賊袁韜兵於涪州。五年。緣事降爲三等阿達哈哈番。六年。隨征西大將軍巽親王滿達海。征山西叛鎮姜瓖。時平遙太谷二縣負固不服。希爾根率兵圍太谷。以紅衣礮攻破其城。僞知縣李成沛都司吳汝器率兵遁。我師遮擊。殲其衆。進圍大

同。復破賊五千餘人。圍長子縣。渾源州。朔州等處。俱督兵克其城。遂招降永寧州。嵐縣。潞安府。賊分兵三路。一拒沁州。一拒遼州。希爾根同鎮國公韓岱率官兵赴遼州。賊將率兵迎戰。我軍大敗之。其他州縣俱降。七年。九年。三遇

恩詔。加世職至二等阿思哈尼哈番。十一年。以罪降爲三等。旋論前功。仍加爲一等阿思哈尼哈番。十三年。擢領侍衛內大臣。卒於官。子喀西泰。康熙進四川朝天關。賊將石存禮等率衆萬有七千。

修木城。斷隘口。設藥礮於山下。立寨兩重。連營三十餘以拒。喀西泰隨前鋒統領穆占擊破之。賊將王屏藩。鄭蛟麟。吳之茂。何德成等。率四萬衆拒戰於蟠龍山。又有賊水師兵。自江中登岸。前後夾攻我軍。喀西泰力戰不克。遂歿於陣。尋議卹。贈拖沙喇哈番。喀喇。滿洲正黃旗人。

國初率宗族來歸。授遊擊。世職。兼管牛錄章京事。屢從征伐。在烏喇。伊漢。阿林雅。闌阿奇。闌等處。敗敵有功。

賜巴圖魯號。置在十札爾固齊之列。出征葉赫。敘功。加世職爲副將。又與明總兵劉綎接戰。身被七創。勝之。竟以傷發歿。順治十二年。追謚恭襄。子二人。長札福尼。天聰三年。隨大兵征明北京。於灤州遇明兵。見我兵三人被擒。札福尼奮勇救出。以功授備禦世職。崇德八年。同薩穆什喀霸奇蘭。征黑龍江有功。又加半個前程。次阿福尼。初襲父牛彖章京世職。天聰三年。從大兵征明北京。至灤州。與兄札福尼同救出被擒兵。授備禦世職。陞甲喇章京。仍管牛彖章京事。崇德六年。

隨大兵與明經畧洪承疇兵戰於錦州。被誣罷職。并奪其前所賞千人。明年。洪承疇降。

太祖高皇帝問我兵及敵兵情形。卽奏言是陣。

聖主軍中。有一衣黃甲騎花馬者。奮勇衝入。臣兵莫能當。乃却。師之所以得出者。斯人之力也。

太祖乃命是陣兵將騎射甲馬悉照當日。使承疇物色之。至阿福尼。洪承疇曰。此人是也。詢其名。知爲阿福尼。

太祖大悅。曰。前罷爾職。甚非其罪。遂復其官。仍以所收千人賞之。尋以傷發卒。札福尼第四子空古圖。

順治四年。隨燾章京陳泰征福建。用雲梯攻興化府。以第四人登城克之。賞馬匹銀兩。擢阿爾哈章京。又於平和縣遇賊。擊敗之。十七年。襲兄羅多渾二等阿達哈哈番世職。康熙十三年。從征逆藩耿精忠。至江西。同雅賴等敗賊。十四年。七月。進攻宜黃縣。賊兵五千餘。出城據山逆戰。隨侍郎舒恕擊敗之。十五年。隨副都統倪滿。破賊於長興。又隨安親王岳樂。征逆藩吳三桂。敗其黨夏國相兵於萍鄉縣之來龍山。十八年。平定湖南武岡州。敗黃茅嶺賊。生擒僞都司叅將哈番。兼一拖沙喇哈番。

守備千總把總共五人。以功加至一等阿達哈舒里渾。札福尼之長子。喀喇之孫也。初襲父職。天聰五年。從征大凌河。城內蒙古兵出戰。隨大兵擊之。斬其帥。順治元年。從征流賊。至延安府。隨定南將軍希爾根。擊敗賊衆。賊復率步兵來戰。同魯席巴圖魯。連敗之。三年。隨揚威大將軍。豫親王多鐸。追騰濟思。敗土謝圖汗及碩羅汗兵。六年。隨定西大將軍端重親王博洛等。征大同叛鎮姜瓖。擊敗僞巡撫姜建勳等。十五年。從

征雲南貴州。隨信郡王多尼。擊僞侯李成蛟於涼水井。追至雙河口。敗僞晉王李成國。並在事有功。加授三等阿思哈尼哈番。尋陞副都統。病卒。子穆里渾襲。尋以病休致。穆里渾次子特爾勤襲。管父佐領。康熙二十年。從征南大將軍賴塔。征逆孽吳世璠。破僞將軍何繼祖等。奪石門坎黃草壩。乘勝攻拔嵩明州等城。直抵雲南省城。並在行間有功。復隨都統希佛。追僞將軍馬寶等於烏木山。敗之。又追胡國柱於永昌。並在事有功。授拜他喇布勒哈番。又札福尼次子羅

多渾者。舒里渾弟也。崇德二年。攻明旅順口。及錦州。隨大兵擊敗明經畧洪承疇三營步兵。征山東時。從大兵攻拔順德府城。以功授三等阿達哈哈番。順治七年。九年。三遇

恩詔。加至一等阿達哈哈番。兼一拖沙喇哈番。尋卒。以

其第四弟空古圖承襲世職。又有穆魯者。舒里渾族人也。康熙十三年。以筆帖式隨經畧莫洛。征逆藩吳三桂。至陝西寧羗州。值提督王輔臣叛。穆魯與莫洛同被害。追授拖沙喇哈番。以其從兄噶爾賽襲。

鄂能滿洲正黃旗人。姓興嘉氏。世居貝坤沙秦地方。父松阿禮。

國初從征查庫塔豁屯。中傷陣亡。鄂能於崇德五年從征明錦州。至松山。擊敵兵敗之。射殺二人。及出錦州。保護運糧船隻。適敵兵來劫我糧。鄂能力戰退之。敵復攻內大臣伊爾敦營。鄂能援之得免。是役也。鄂能因腿中傷。賞銀三十兩。七年從貝勒阿巴泰征明。至山東。明王總兵逆戰。鄂能隨公費揚古擊敗之。遇天津哨卒。射殺四人。盡獲其馬。又以雲梯攻克兗州定州二城。因

賜名巴圖魯。授牛錄章京。世職兼半個前程。順治元年。

隨睿王多爾袞入山海關。破流寇。追至慶都大破之。二年隨豫親王多鐸南征。渡江。遇賊船五百艘。乘小船破之。生擒賊將。三年從征福建。五年從征山西。俱有功。七年九年三遇

恩詔。加世職至一等阿達哈哈番。兼一拖沙喇哈番。官至奉天將軍。康熙三十年以疾卒。

德爾格勒。滿洲正黃旗人。姓納蘭氏。葉赫國金台石貝勒子也。天命四年八月。

太祖高皇帝攻葉赫。破其城。金台石貝勒止據一城。我

兵圍之。招其降。不從。時德爾格勒已被執。太祖命往勸諭其父。德爾格勒遵命勸其父降。言我等戰既不勝。城又已破。今居此臺何為。盍下臺往投。殺則死。留則生而已。勸諫再四。金台石貝勒終不下臺。

太宗文皇帝時尚為貝勒。因執德爾格勒回。欲縛而殺之。德爾格勒曰。吾年三十六。死於今日。殺之可也。何縛焉。於是

太宗留德爾格勒於家。悉以其言轉奏。太祖諭曰。子招父降而不從。父之罪也。父當誅。勿殺其

子。

太宗因引德爾格勒來見。太祖以所食物。令

太宗賜德爾格勒。併與之同食。曰。此爾之兄也。善遇之。

未幾授梅勒章京世職。卒。長子南褚襲南褚子

穆占。仕至征南將軍都統。吳丹。仕至建威將軍

內大臣。陣亡。見名宦名臣傳。德爾格勒弟尼雅

漢。以積勞授牛象章京世職。管牛象事。尼雅漢

長子明珠。仕至武英殿大學士。明珠子成德。康

熙十二年進士。彙刻唐宋以來解經之書。名曰

通志堂經解。凡數千卷。又自著周易粹言八十卷。禮記集註考誤三卷。附入經解行世。人以為有功經學云。

吳巴海巴圖魯滿洲正黃旗人。初管牛彙章京事。天聰六年。從大兵征察哈爾國。追捕我國逃人。遇察哈爾五人。斬之。獲馬十九匹。十二月。

太宗命征兀札喇地方。吳巴海以二旗兵合為一路。四路並進。聞彼在握黑河捕魚。因遣二旗兵入斬。三百餘人。獲人口馬匹皮張甚多。明年。征明旅順口。復破敵有功。八年。同季思哈收服東海虎。

爾哈部落。九年。同荆古爾岱收服瓦爾喀部落。又隨大兵招撫額哲額駙。旋奉令追喀爾喀部落人。岳託貝勒國舅阿什達爾漢謂之曰。爾無違毛罕之言。惟聽彼調遣。若遇敵兵。當力戰。後吳巴海覺毛罕心懷異志。行事悖逆。即別從間道往追。毛罕知之。先遣人報知敵人。早已潛遁。吳巴海星夜追及之。獲駝馬銀兩等物。并獲明國使臣四人。俱斬之。復往追喀爾喀部落。全執以歸。獲人馬無算。論功。授一等甲喇章京世職。是年。任禮部承政。率兩旗兵往征厄勒約鎖厄。

墨庫倫地方。俘獲甚多。編爲戶口。崇德元年。嘉其功。加至三等梅勒章京世職。尋奉

命駐防邊城寧古塔地。十二月。

與京守將扈什塔報蒙古葉雷率妻子牲畜逃走。

吳巴海奉

命同席特庫率寧古塔兵追之。過烏喇地方。見天鷲三隻栖止。爲科爾沁國人名俄爾多木者射中其一。鷲帶箭而飛。欲逐去之。鷲忽不見迹之。乃見逃人營中遺火。遂星夜前追。至溫多地方圍之。諭令歸降。不從。因攻入。殺九十四人。獲其妻子。

八十三名。馬五十七匹。問逃人之首。葉雷安在。答曰。葉雷殺鹿爲食。攜其妻子逃去矣。吳巴海等卽率兵前追。葉雷預覺。遂殺其妻子。逃入山中。吳巴海等追至。環圍之。復令彼歸順。不從。縱矢交射。忽一白狐躍起。觸葉雷弓而馳。弓爲狐項套去。因射死葉雷。並殺其從者四十餘人。明年五月還。

太宗命固山額真等出迎五里宴之。論功超加三等昂邦章京世職。賜衣服馬匹田莊。加世襲十二次。五年。

太宗命薩木什喀曹海等征虎爾哈部落。有鐸陳等四木城人不降。吳巴海等率兵助攻之。遂克其城。尋卒於官。其兄之孫馬克度由五品官。從征南大將軍賴塔。征逆孽吳世璠。由廣西進雲南。破石門坎黃草壩。直抵雲南。平定逆孽。並在行間。康熙二十五年。授拖沙喇哈番。後緣事削去本身所得世職。襲伊叔祖吳巴海之拜他喇布勒哈番。世襲罔替。

根特巴圖魯。滿洲正黃旗人。父曰達雅里。崇德三年。從大兵征明。攻深州。首先登城。克之。

賜巴圖魯號。四年。授牛錄章京世職。順治七年。九年。三遇

恩詔。加至一等阿達哈哈番。根特早從征戰。屢立功績。崇德八年。從貝勒阿巴泰征明。至山東。攻泗水縣。以第二人登城。克之。又攻直隸定州。克其城。亦

賜巴圖魯號。論功授牛錄章京世職。順治元年。任刑部理事官。二年。追敘前功。加半個前程。五年。從征南大將軍固山額真譚泰往江西。征逆鎮金聲桓。同固山額真何洛會。擺牙喇章京喀爾他喇。

至南昌府城下。豎雲梯進攻。十九日。蒙古固山兵先登。克之。未幾。金聲桓中二矢。赴水死。生擒王得仁。其黨殲焉。南昌等六府悉平。六年。從征大同。叛鎮姜瓖。自蒲州至平陽。大破。僞帥白璋。斬之。復擒僞監軍衛登。方于猗氏。斬獲甚衆。七年。九年。三遇。

恩詔。加世職至一等阿達哈哈番。累任至副都統。康熙十二年冬。逆藩吳三桂反。十三年正月。奉

命率領官兵駐防兗州。二月。奉

命同席布由兗州赴江西省城。三月。逆藩耿精忠據福

建反。根特巴圖魯奉

命率現駐南昌官兵相機剿禦。并同吏部侍郎舒恕等。叅贊定南將軍希爾根軍務。未幾。廣東潮州總兵劉進忠叛。降於耿逆。四月。奉

聖祖仁皇帝諭。同席布等候將軍希爾根。哈爾哈齊兵至江西。卽率所部官兵急赴廣東。一切機宜。同平南王尙可喜叅酌以行。尋授根特巴圖魯爲平寇將軍。由廣東進兵。八月。卒於軍。子格爾忒。康熙十四年。從征逆藩耿精忠。至浙江。敗僞總兵張光兆等於秀溪山。十一月。隨寧海將軍喇

哈達敗海寇許耀等三萬衆於小門山。又敗偽帥何佑等於太平山、百木山、蜈蚣山等處。俱在事有功。授拖沙喇哈番。

坤巴圖魯，滿洲正黃旗人。姓那穆都魯氏。父曰伊內克，世居瓦爾喀綏分地方。天聰九年，大兵征瓦爾喀時，伊內克首先歸順。崇德八年，授半個前程。世職坤巴圖魯。初名坤，以轄員早從征伐。崇德六年，從大兵征明圍錦州。明軍門洪承疇援兵將至松山，坤奉

命駐營於松杏二山間以拒之。敵兵夜遁，城內兵出遁。

者闖入我右翼營汛。右翼官未及拒守，坤獨當門拒戰，被敵傷不退，遂

賜號巴圖魯。授一等甲喇章京。世職。是年其父伊內克卒。明年坤巴圖魯併襲父職。半個前程。順治

七年、九年、三遇恩詔，加至一等阿思哈尼哈番。兼一拖沙喇哈番。十年

緣事革轄職。併革去拖沙喇哈番。十一年，從靖南將軍朱瑪喇征廣東，敗偽安西王李定國萬衆於新會縣左山上。復敗其步卒四萬於山峪內。追至橫州，又敗之。坤巴圖魯並在事有功。累

擢至都統。康熙十二年。

聖祖仁皇帝諭曰。勤勞匪懈。臣子盡職之心。爵秩攸加。國家酬庸之典。庫魯克達爾漢阿賴希爾根。坤巴圖魯。自

太宗文皇帝以來。効力行間。或恪恭左右。或招撫外國。均奉職有年。克著勞績。宜加寵錫。以示眷懷。俱着加太子太保。是年冬。逆藩吳三桂反。十三年。授坤巴圖魯爲振武將軍。同夸代阿爾瑚率每佐領驍騎二名。赴河南汝寧防守。是年議敘前功。仍加一拖沙喇哈番。十四年正月。同副都統翁愛德業

立率西安每佐領甲士一名。赴漢中助席卜臣固守。五月。進剿克復秦州。四川平涼賊兵來援秦州。坤巴圖魯同西安將軍佛尼勒。總兵官孫思克。大破之。並復禮清水。伏羌。西和等縣。十七年。奉

命同副都統馬一豹守潼關。二十二年。以從前救漢中違約不進罪。議革世職之半。

聖祖特諭坤巴圖魯鄂內。雖軍中獲罪。事非由已。今罷職閑居。朕深爲憫念。俱授爲散秩大臣。但二人俱年老衰邁。能步履。令其上朝。不然。則聽其家居。勿強也。

尋卒於家。

阿喀尼坤巴圖魯子也。康熙十四年。以一等待衛從征吳耿二逆藩。至江西。耿逆僞帥黃豪於鄱陽湖率賊萬餘。船七百隻。三路來戰。阿喀尼率舟師敗之。復於康山周湖汊口。界牌舖。景德鎮等處地方。屢敗賊衆。又敗僞帥程鳳等於沉香山。張名揚等於馬鞍山。復連破賊兵於土地堂林田等處地方。遷副都統。仍在軍前領兵。隨簡親王喇布。進至吉安府。吳逆僞帥韓大任。陳耀元等。復率衆七千拒戰於騾子山。我軍失利。

阿喀尼力戰陣亡。二十五年。議卹。贈拜他喇布勒哈番。

圖爾伯深巴圖魯。滿洲正黃旗人。姓布爾察氏。世居阿庫禮地方。初充阿禮哈超哈。崇德八年。從奉命大將軍貝勒阿巴泰征明。至山東泗水縣。圍其城。第一先登克之。

賜巴圖魯號。授牛錄章京世職。順治七年。九年。三遇恩詔。加至二等。阿達哈哈番。累任至杭州將軍。年老致仕卒。

賜祭葬如典禮。謚敏果。

八旗通志 卷一百五十一
奇塔特魏徵。滿洲正黃旗人。姓博爾機錦氏。世居克魯倫地方。阿都魯思哈爾濟農之族也。天聰八年六月。率子弟來歸。進獻馬匹。

賜緞衣一襲。是月。

太宗文皇帝親征科爾沁。駐蹕西喇兀蘇河之南山岡。奇塔特魏徵率所部兵來會。并獻酒殺馬匹。因奉

命隨大兵往圍錦州。城內明兵突出來犯。奇塔特魏徵力戰歿於陣。追授三等阿思哈尼哈番。子胡尼齊承襲。奇塔特魏徵之弟托克托會以來歸功。

授世職一等甲喇章京。兼半個前程。希爾布托克托會子也。襲父職。順治十一年。從靖南將軍朱瑪喇征廣東。至新會縣。連敗偽安西王李定國兵。論功。加至三等阿思哈尼哈番。世襲罔替。額參。滿洲正黃旗人。姓吳雅氏。世居葉赫地方。初任布達衣大。累擢至內大臣。崇德元年。隨太宗文皇帝征朝鮮時。朝鮮遣人致書明國。額參見而射之。朝鮮人應弦而倒。

太宗嘉其能。因以朝鮮人所乘馬賜之。明年正月。同超品公楊古利額駙領兵前進。大破朝鮮兵。朝鮮

八旗通志 卷一百五十一
小卒有匿石巖間竊發烏鎗者。楊古利中傷而
宗。歿。

太宗甚痛之。忽有一人越山而去。圖賴指而言曰。彼上
山東去者。卽傷死楊古利者也。

太宗命額參追之。至次日回大營。以其首來獻。

太宗命睿親王多爾袞等議其功。王等議覆。此人去一

夜方回。似非斬將搃旗者可比。額參卽向

太宗前懇請曰。王等所議是也。

聖主縱施厚恩。臣亦安敢承受。

太宗是之。三年。復隨睿親王等征明。攻濟南府大同等

處俱有功。凱旋議敘。授牛錄章京世職。雍正元
年。追封

仁壽皇太后三世。額參與其父額布根。子魏武。並追封

一等公。

賜之勅曰。

仁壽皇太后曾祖額布根者。本朝舊族。創業名家。

太祖高皇帝時。撫育禁庭。視同子姪。一等阿思哈尼哈

番兼佐領額參。乃

仁壽皇太后之祖父也。歷事三朝。軍功懋著。護軍叅領

魏武。乃

仁壽皇太后之父也。天挺俊傑。啓後承先。厚德鍾靈。篤生

聖母。宜加峻秩。以協彝章。將額布根。額參。魏武。俱追封爲一等公。妻俱追封爲公一品夫人。其一等公。給魏武之子白啓承襲罔替。

瓜喇。滿洲正黃旗人。姓民覺羅氏。世居鄂莫渾地方。崇德六年。從大兵圍錦州。擊敗明松山兵於濠邊。明經畧洪承疇率兵來犯。鑲紅旗汛地。復同巴布海擊敗之。敵復犯我步軍營。三次俱擊敗之。及敵兵敗入塔山五里台。睿王多爾袞

命瓜喇率大營擺牙喇守之。敵人無一出者。獲馬十匹。並斬其來援之十一人。明日攻破其臺。因率兵進。勦盡殲焉。復擊破監軍道張春兵。身被三創。及至札爾都地方。我塔南馬爲敵所奪。因率五人追至娘娘宮。巡視海岸。我達布孫尼堪僅千人。敵適至。衆皆欲進。瓜喇阻之。乃俟夜前進。遇敵。無不以一當十。賊多溺水死。進兵至昌平州。敵兵乘夜以哨卒來探。擊敗之。及攻城。登雲梯者皆被傷退。瓜喇乃越衆前進。奮勇而登。克之。及至大同。攻其城。瓜喇奉

太宗命踊躍而登。進擊敗瑛口上僞伯一人。七年。從固山額真譚泰等征明。至黃崖口。攻其城。克之。順治元年。隨固山額真譚泰駐防太原時。僞帥姜都司率兵二千圍易縣。瓜喇擊敗之。又僞劉總兵圍固山額真宜拜營。瓜喇同阿濟拜率滿洲蒙古兵四百。連夜進剿。擊敗賊兵。獲馬四百餘匹。三年。從肅親王豪格征四川。擊賊首張獻忠。兵屢破之。瓜喇屢從征討。身被二十七創。前後共得賞十次。以功授牛錄章京世職。七年。九年。三遇。

恩詔。加至二等阿達哈哈番。官至副都統。以疾卒。子庫達禪。康熙十三年。以護軍叅領從征吳逆。經石門坎。黃草壩。桂花寺之戰。俱在行間有功。授拜他喇布勒哈番。二十九年。從撫遠大將軍裕親王福全。征厄魯特噶爾丹。與賊戰於烏闌布通陣。亡。又加贈一拖沙喇哈番。

昂昆杜稜。滿洲正黃旗人。姓博爾濟錦氏。原係察哈爾蒙古貝子。率衆來歸。授三等副將世職。天聰三年。從大兵征明。擊松山步兵。昂昆杜稜率先衝入。大敗敵衆。崇德三年。從大兵征明。至

八旗通志 卷一百五十一
北京。同譚泰擊明軍門盧象昇兵。直前破敵。至通州。復同譚泰大敗敵衆。又率安岱吳努和往。勦索諾馬諾木齊。以達巴海爲鄉導。圍之。索諾馬諾木齊聲言欲降。而意終不決。昂昆杜稜卽聚衆監守之。其衆始降。挾之來歸。中途復謀變。昂昆杜稜突前刺死一人。衆乃定。六年。從大兵圍錦州。敗敵兵三隊。又率各章京等。從大兵征明。至通州北單屯地方。敵人馬兵出犯。昂昆杜稜奮勇前進。斬首六級以獻。凱旋後。以疾卒於家。

克福滿洲正黃旗人。姓覺羅氏。世居哈布察地方。父名赫臣。天命初率宗族來歸。授半個牛录章京。奉

命率兵招撫羅多羅和等。赫臣宣示威德。率以來歸。又從征烏喇等處。俱有功。給牛馬布帛等物。是時葉赫抗命。

太祖高皇帝命赫臣往招撫之。至其地。備陳太祖寬仁。并諭以利害得失。葉赫不從。復奉

命再往招撫。葉赫拘繫欲降之。赫臣慷慨抗節。奮罵不屈而死。四年。葉赫旣平。

太祖追念前勲。將葉赫大臣沙津台吉。給克福刃之。以

酬復父怨。以慰忠魂。仍授克福管牛录章京事。

天聰四年。隨

太宗文皇帝征明。同圖魯什沙爾虎達等捉生明境。遇

明哨兵截戰。擊敗之。獲馬八匹。生擒二人以歸。

是月。

太宗凱旋回京。路遇伏兵突出截路。克福適在巡哨。乃

奮勇衝殺。斬六十餘級。獲馬八匹。敵兵遂大潰。

論功。授牛录章京世職。尋加授三等甲喇章京。

崇德三年。擢吏部副理事官。尋陞理事官。六年。

隨鄭親王濟爾哈朗圍錦州。有先降明之蒙古

人名諾木齊者。率家口自明地來歸。明錦州兵

環圍數匝。克福乃奮勇衝進。盡出諾木齊家口

於萬衆中。論功。賞銀四十兩。又隨豫親王多鐸

往畧錦州地。直至城南高臺。斬獲甚衆。師旋。復

給蒙古男婦四人。牛一頭。八年。

世祖章皇帝嗣位。克福約在內兩旗大臣轄員。共書名

爲誓章。矢志公忠。順治二年。授

福陵總管。在任七年卒。次子喀齊蘭。順治四年。任噶布

什賢壯尼大。六年。襲管牛录章京事。九年。

八旗通志 卷一百一十五
恩詔授拜他喇布勒哈番世職。尋擢吏部郎中。十一年。署理甲喇章京事。隨寧海大將軍宜爾德征浙。江舟山。同固山額真顧魯古。於夏關地方破敵。斬首千級。又同燾章京車爾布乘勝取舟山。先。八旗登進。大敗敵衆。獲紅衣礮一百六十四位。軍器無算。十二年。議功第一。陞擺牙喇甲喇章京。十五年。轉噶布什賢章京。康熙十八年。隨順承郡王勒爾錦征逆藩吳三桂。率兵至湖廣澧州。同署副都統馬爾齊哈招降僞知府叅將等官。遂下其城。渡江追殺賊衆。生擒三人。獲軍器

無算。是年擢正黃旗蒙古副都統。二十年。轉滿洲副都統。三十八年病卒。

賜祭葬如典禮。遣官致祭。子凱音布初襲祖克福三等阿達哈哈番。康熙十年。以才能授監察御史。

聖祖命往山西陝西等處勘察銅礮。回奏詳明稱

旨。二十三年。襲管佐領。二十六年。擢光祿寺正卿。陞通政使。又陞內閣學士兼禮部侍郎。明年署兵部侍郎。二十八年。陞倉場總督。旋調工部侍郎。轉戶部。又調吏部侍郎。改正黃旗漢軍副都統。三十三年。轉滿洲副都統。三十九年。改禮部侍郎。

八旗通志 卷一百五十一
命往廣東審理苗蠻事。讞決明允。蒙

恩嘉獎。任議政大臣。四十年。擢戶部尚書。明年。

賜御書典司邦本四字匾額。詩卷一軸。上駟院馬一匹。御製詩扇一柄。四十五年。以老病乞休。奉

旨。凱音布諳練戶部事務。著勉力再任。一二年。十二月。調禮部尚書。四十七年。復以老病乞休。奉

旨。卿乞休情詞懇切。著以原官致仕。五十二年。

特賜御用冠一頂。衣一襲。馬一匹。五十四年。復自熱河賜御書御製詩扇一柄。六十一年。疾作。

聖祖自熱河遣其子喀爾吉善向京看視。并給醫藥。病

稍痊。雍正元年。奉

旨。照現任大臣例。派往

景陵。

賜數珠端硯等物。五月。病篤。奉

旨。凱音布係年老大臣。使伊子接回來京調理。十二月。卒。

特遣內大臣奠酒。復

諭該部。凱音布効力年久。雖年老衰頹。告休。朕安置陵上。因病令其回京調理。忽聞溘遊。朕心深為軫惻。應

得卹典著察例具奏。二年。

賜祭葬銀五百兩。遣官致祭。子喀爾吉善官至兵部侍郎。

安達禮滿洲正黃旗人。姓顏札氏。世居葉赫地方。

國初率眾來歸。任牛錄章京。天聰八年。隨大兵征明。往鐵嶺春粟。遇蒙古兵來犯。同葉臣首先衝擊敗之。尋戍守牛莊。追蒙古逃人。徒步擊斬之。攻永平時。

太宗文皇帝命副將阿山葉臣選部下猛士二十四人同往。安達禮與焉。夜乘火光登城克之。

賜蟒緞一疋。素緞十九疋。青布二百疋。馬十匹。牛十頭。

駝一隻。自永平還。同土魯什春科落巴圖魯往探建昌。夜遇敵兵交戰。赫夜訥牛錄下袞圖馬中矢仆。安達禮奮力救出。九年。率本甲喇兵攻嶧縣城。部下一人。以第二登城有功。又率四十人伏忻口。遇敵兵二百餘。擊敗之。獲馬五十一匹。生擒六人。凱還出邊。遇圖爾格所擊敗敵兵。右翼兵俱未至。安達禮追及之。斬殺盈壕。十年。敘功。授牛錄章京。世職。崇德三年。從征明。攻克薊州有功。加世職為三等甲喇章京。緣事降為

牛录章京。崇德六年。以係

太祖眷顧舊臣。加授三等梅勒章京世職。世襲罔替。並管梅勒章京事。七年卒。

賴圖庫。安達禮子也。天聰五年。年十五。從

太宗文皇帝攻大凌河。並往畧錦州。忽城內突出兵五千餘。列陣來戰。賴圖庫同牛录章京尼塔哈等。擊敗之。又同尼塔哈破明監軍道張春兵。八年。隨大兵征大同。攻其新城克之。

賜牛馬。崇德元年。隨大兵征朝鮮。路遇騎兵十人。射殺三人。獲馬二匹。三年。隨揚威大將軍貝勒岳託

征明。至通州。遇傅太監兵萬餘。沿河立營。卽同牛录章京虎彌塞。率本旗擺牙喇擊敗之。至山東濟南府。與擺牙喇阿布鼐單岱三人。遇敵兵五百餘來拒。奮擊走之。斬二十五人。獲馬十六匹。又破胡總兵營於臨清城西。六年。

太宗親督兵征松山。明經畧洪承疇引兵十三萬拒戰。賴圖庫護守

御幄。忽有敵兵持刀奔至。迎斬之。七年。隨鄭親王濟爾哈朗等。敗杏山兵千餘。斬敵兵七人。又同塔爾機善巴圖魯。敗敵於泰門。斬四十餘人。設伏於

八旗通志 卷一百五十一
郭橋。夜有杏山兵來犯。斬騎兵二人。射殺五人。生擒二人。獲馬三匹。是年襲父世職。順治元年。隨睿王多爾袞入山海關。追敗流寇。積戰功。議敘。由所襲三等阿思哈尼哈番。加授爲一等精奇尼哈番。世襲罔替。累官至議政大臣。內大臣。加太子少保。

覺羅阿克善。滿洲正黃旗人。

景祖翼皇帝三兄之三世孫也。崇德六年。隨大兵征明。擊敗明總兵吳三桂。復隨大兵圍錦州。擊敗松山杏山馬步軍。師旋。值敵兵來襲梅勒章京曹

海軍。阿克善同燾章京宜爾德往援。擊却其衆。又率本甲喇兵。隨大兵敗明經畧洪承疇二次。七年。授半個前程。世職。八年。隨大兵征明寧遠。敗其騎兵。隨進攻前屯衛城。率本甲喇兵先登。克之。加世職爲牛錄章京。順治元年。從睿王多爾袞入山海關。擊流寇。阿克善與有功。又加半個前程。擢管梅勒章京事。七年。九年。三遇

恩詔。加世職至一等阿達哈哈番。是年二月。同固山額真噶達洪。征鄂爾多斯。朶爾濟。殲其衆於賀蘭山。十二年。從征湖廣。擊敗湘潭。常德及龍陽縣。

八旗通志 卷一百五十一
賊兵十四年。隨定遠大將軍世子濟度。征福建海逆鄭成功。至烏龍江。以江水難渡。率師由山僻往福州。聞鄭成功在福州府屬高齊陸路。遂令褚庫巴圖魯巴度先往進剿。遇賊千餘。擊敗之。及阿克善至福州。賊艘二百餘。泊於高齊之烏龍江。阿克善等率官兵由水路進。約夸蘭大星鼐等。率官兵由陸路進。合擊敗之。追至大漳河口。斬獲甚衆。十七年。同定西將軍內大臣愛星阿征雲南。入緬國阿娃城。獲僞桂王以歸。加世職爲三等阿思哈尼哈番。世襲罔替。

達理善巴圖魯滿洲正黃旗人。姓那穆都魯氏。世居綏分地方。初充阿禮哈超哈。崇德三年。從征山東。攻濟南府。第三登城。克之。

太宗文皇帝賜以巴圖魯號。授三等甲喇章京。世職。六年。圍錦州。明經畧洪承疇率兵奪我紅衣礮。達理善擊敗之。又率本甲喇兵。從固山額真譚泰。敗其馬兵二次。順治元年。從固山額真葉臣征山西。攻太原府。樹雲梯克其城。凱旋。奉

命移駐杭州。同梅勒章京和托。連敗僞大學士馬士英等兵。敵兵投水死者甚衆。尋馬士英遣僞總兵

八旗通志 卷一百五十一
率兵七百來擾我營。復擊破之。五年。從征江西。叛鎮金聲桓。賊率馬兵七萬來戰。達理善隨大將軍譚泰破之。七年。九年。三遇

恩詔。加世職至三等阿思哈尼哈番。以老乞休。康熙十四年。擢副都統。從撫遠大將軍圖海征陝西。叅贊軍務。叛鎮王輔臣遣賊兵攻秦州。僞總兵高定。蔡元德領兵四千餘來戰。達理善奮擊大敗之。乘勝追奔五十餘里。奪其關。生擒五十餘人。又連克清水。縣。渭河橋等處。既困秦州。有四川及平涼二處賊黨萬餘來援。城內賊八千餘人。

亦突出夾攻。達理善身病不能乘馬。猶扶病督戰。大破之。還營卒。

聖祖特諭曰。達理善猛烈素著。年老辭退。後復出兵盡力。著加給一拖沙喇哈番。併原世職爲二等阿思哈尼哈番。復奉

特諭。不准削去恩詔所得之官。以其孫六占承襲。並賜諡勇烈。以旌其忠焉。

舒書。滿洲正黃旗人。姓納蘭氏。世居布顏舒護魯地方。屢從征伐有功。累官至梅勒章京。崇德二年。

太宗文皇帝命率兵一千二百分道往征瓦爾喀。十二年。月入兀爾格陳地方。獲人口馬匹甚衆。八年。從證明寧遠等處有功。

賜銀百兩。緞四疋。順治元年。從睿王多爾袞入山海關。破流寇有功。加牛錄章京。兼半個前程。世職。十一年。同寧海大將軍固山額真宜爾德等。平定浙江舟山。敘功。加世職爲三等阿達哈哈番。以病卒於任。

圖喇。滿洲正黃旗人。姓舒穆魯氏。世居滾楚地方。崇德七年。隨饒餘郡王阿巴泰征山東。攻泗水縣城。傷目。身被三創。又攻高密新泰等縣。俱有功。八年。任刑部筆帖式。順治元年。隨定國大將軍豫親王多鐸征南。破流寇。平定江南。圖喇俱在行間効力。二年。改授助教。七年。陞主事。連遇

恩詔。授世職。至拜他喇布勒哈番。十二年。陞郎中。隨寧海大將軍宜爾德等。征浙江舟山。僞總制陳六御。僞英毅伯阮思等。引舟師三萬餘。列陣於海島。拒戰。同梅勒章京柯永泰等。擊敗之。手足悉被重傷。以功加一拖沙喇哈番。十八年。山東賊

八旗通志卷之五十一
于七作亂奉

命往查于七家產。至棲霞縣。聞鰲山賊欲攻棲霞。乃於
征東將軍季什哈處借兵至鰲山。大破其衆。生
擒三百八十餘賊。康熙元年。陞大理寺少卿。明
年擢杭州副都統。尋同總督趙廷臣副都統成
天模往定海。招降偽靜波將軍侯然美。並偽文
武官一百二十餘員。兵二千九百餘名。獲船七
十三艘。七年。陞杭州將軍。十三年。以病還京。卒
於家。

八旗通志初集卷之一百五十一
名臣列傳十一

正黃旗滿洲世職大臣六

喀蘭圖

兄額爾格爾珠珥
子察渾

安珠瑚

父阿喇穆

布恕庫

父那爾泰
敦達禮子桑格
族孫敦達禮

沙納哈巴圖魯

子穆爾泰
費揚古

達爾化

覺羅德爾錦

吳勒

查弼納

定壽

祖祁郎阿

永國

穆占

喀蘭圖滿洲正黃旗人。世居蒙古嘉叟兒地方。初隸蒙古正黃旗。任頭等轄。順治二年。以係

太宗文皇帝眷顧舊臣。授牛錄章京。世職。七年。九年。三
遇

恩詔。加至二等阿達哈哈番。先是睿王攝政。

世祖章皇帝幸其邸。隨

駕內大臣及轄員。不滿二十人。喀蘭圖慮有不測。急歸家。持弓矢追從。扈

駕回宮。十年。

世祖追憶其事。嘉其扈從功。

八旗通志 卷一百五十一
賜十丁之莊一。鞍馬全副。銀五百兩。加世職爲一等阿
達哈哈番。改隸正黃旗滿洲固山。後緣事降世
職爲二等。仕至內大臣理藩院尙書。康熙十年
五月。以老乞休。奉

旨喀蘭圖効力年久。勞績素著。著解尙書任。以內大臣
上朝。仍加太子太保。十二年卒。

子祭葬。加祭一次。諡壯敏。兄額爾格爾珠珥。崇德二年。
隨睿王多爾袞等征明。敵兵犯我鑲藍旗噶布
什賢西特庫營汛。卽同噶爾瑪擊敗之。六年。隨
大兵征明圍錦州。與噶爾瑪及衆轄等。敗松山

敵兵。錦州城內兵出犯。又同噶爾瑪擊敗之。七
年征松山。掘壕爲長圍。明經畧洪承疇騎兵來
犯。同噶爾瑪又擊敗之。順治元年。隨睿王多爾
袞。入山海關。擊敗流寇。以功授牛錄章京。世職。
七年遇

恩詔。加一拖沙喇哈番。以疾卒。弟喀蘭圖之子察渾。襲
拜他喇布勒哈番。兼一拖沙喇哈番。後復兼襲
父喀蘭圖二等阿達哈哈番。併爲三等阿思哈
尼哈番。康熙十三年。從征逆藩耿精忠。至江西。
與賊力戰陣亡。

賜祭葬如典禮。

安珠瑚。滿洲正黃旗人。姓瓜爾佳氏。世居蘇完地方。父阿喇穆。初任分得撥什庫。陞牛叅章京。往招阿舒墨爾根。降其二十人而歸。又從大兵戰於商顏哈達。松山。察哈爾。寧遠等處。身被重傷三十餘處。得功牌。并馬匹銀兩布帛等物。順治元年。隨睿王多爾袞追剿流寇。力戰陣亡。卹贈拖沙喇哈番。以兄之子席特庫襲職。遇七年恩詔。加授拜他喇布勒哈番。席特庫卒。安珠瑚始襲職。遇順治九年兩次。

恩詔。加授爲三等阿達哈哈番。安珠瑚兼通滿漢文。選入翰林院。任檢討。順治九年。大兵征湖廣。自請隨征。授刑部郎中。擊賊有功。十一月。敬謹親王尼堪歿於陣。都統宜爾德。令安珠瑚往覓王尸。冒險前進。竟得尸以還。是役在事官并俱議罪。惟安珠瑚免議。十四年。復從征浙江舟山。以功加二等阿達哈哈番。十六年。以病解刑部郎中任。十八年。病痊。隨征東將軍季什哈等。征山東賊于七。破其黨呂士奇高奇山等。康熙二年。調叅領。六年。陞寧古塔副都統。尋調守吉林烏喇。

八旗通志 卷一百五十一
十四年。察哈爾布爾尼叛。欲掠烏喇。安珠瑚創設木礮爲防禦。賊至西爾旦嶺。聞有備。乃遁去。十七年。

聖祖特諭。安珠瑚實心辦事。殫謀竭慮。誠爲稱職。將扎努喀等各姓新滿洲。及席北等。編爲牛錄。使人各得所。於國大有裨益。深屬可嘉。著加世職爲一等阿達哈哈番。又一拖沙喇哈番。是年陞奉天將軍。

賜元狐裘紫貂朝衣玉帶鞍馬。旣至奉天。巡視邊界。題請展邊界二十餘里。橫亘數千里。立木柵爲隘口。設兵防守。改定大路於高阜處。移驛於舊都。

視巡海洋。聞有明故將毛文龍所遺兵丁子孫。潛居海島。并招撫來歸。題請編設佐領。拔壯者爲水師。又添築奉天外城。屢奉

溫旨。二十二年。以疾乞休忤

旨。銷去本身所得官。以原襲拜他喇布勒哈番。在吉林烏喇地方効力行走。二十三年。隨都統公彭春。往征羅察。黑龍江將軍薩布素。委爲前鋒章京。掠圖虎魯河有功。二十四年。復隨彭春攻雅克薩城。降六百餘人。以功授索倫地方總管。督率索倫打虎兒等。於墨爾根波爾多開墾田畝。三

十二年。以年老致仕。

布恕庫。滿洲正黃旗人。本姓文車亨氏。後

賜姓爲吳魯氏。世居葉赫地方。父那爾泰。自幼以從征

有功。授半個前程。順治六年。從征大同。叛鎮姜

瓌戰歿。時那爾泰二子噶達渾。那什庫。亦在行

間。見父死。并奮鬪歿於陣。是時布恕庫獨以壯

尼大。隨征江西。叛鎮金聲桓。攻饒州府。不用雲

梯。以第二人登城。十五年。從征貴州。至涼水井。

敗僞侯李成蛟等。以功授拖沙喇哈番。是年歸

京師。擢章京。值宿左翼門。一夕

世祖章皇帝欲幸上駟院。呼令啓門。布恕庫守門不從。

翌日。下慎刑司議罪。鞭一百。尋傳至景山。

世祖特加獎諭曰。朕聞前朝皇帝。嘗出郊畋獵。至夜方

回。門官不納。從者曰。上在此。答曰。昏夜難以分辨。終

不開。不得已從他門入。翌日厚賞守門者。今布恕庫

出身行伍。從未知書。其所行竟與古合。朕彼時未曾

細思。故坐以罪。宜賞賚以示鼓勵。於是

特賜內廐馬一匹。訓之曰。爾所行甚當。爲君上守門。理

宜如此敬嚴。康熙九年。陞叅領。十三年。吳三桂反。以

八旗都統副都統俱出征。其印悉令本旗叅領

署理。尋收其七。令大臣等兼管。以布恕庫公正。宜收無私。其印獨留。十六年。擢正黃旗蒙古副都統。晉議政大臣。

命往揚威大將軍和碩簡親王喇布軍前贊助。將行。引見於養心殿。

賜御膳。并刀一口。

聖祖仁皇帝特諭曰。簡親王年幼。未諳行兵之事。無論兵將。遇敵有不奮勇前驅者。爾卽以是刀先斬。後奏。

復

賜弓矢等物。令侍衛桑格扶掖詣

太皇太后宮請安。

太皇太后賜御膳一桌。銀三百兩。乳餅一囊。總管太監

崔邦起傳

旨曰。副都統年高之人。今於炎天出征。遇喉乾可啖此乳餅。足以止渴。卽以是囊盛賊首歸。至十七年。擊敗僞將軍韓大任。復分兵追殺至福建老虎洞等處。大任等詣康親王軍前降。是年六月。率前鋒兵。隨大軍拔道州全州。及新田東安湘陰諸縣。進取永州府。敗賊於白水市。哲里橋蔡家店諸處。遂下永州府。逆藩吳三桂遣兵圍永興。凡三

月我師攻之不克。逆黨胡國柱、馬寶等率兵三萬餘侵晨來犯。布恕庫督兵隨大兵力戰。至三鼓賊始敗潰。十九年轉滿洲副都統。分調兵將赴廣西。拔興安、雒容諸縣。平柳州府。招降叛鎮馬雄之子馬成蔭。旋以積勞卒於軍。其喪至京城。城。

聖祖遣大臣及侍衛等迎奠。

賜塋地立碑。祭於墓。諡曰剛壯。族孫敦達禮。崇德三年

從揚威大將軍貝勒岳託征明。圍定興縣。以第三人登城克之。授七分牛錄。章京世職。六年。

太宗文皇帝征明。圍松山。敦達禮扈從。見敵中有介馬

前驅者。射殺之。以功賞奴僕十二口。順治九年。兩遇

恩詔。加世職。為拜他喇布勒哈番。兼一拖沙喇哈番。十

一年。從征湖廣。廣東俱有功。加至三等阿達哈。哈番。病卒。次子桑格。分襲父。拜他喇布勒哈番。加一拖沙喇哈番。康熙十四年。隨撫遠大將軍。信郡王鄂扎。征察哈爾。布爾尼有功。加授三等。阿達哈。哈番。二十年。以前鋒叅領。隨征南大將。軍賴塔。領兵進雲南。平定逆孽吳世璠。至石門。

八旗通志 卷二百五十一
坎安籠所黃草壩等處。連破賊二十二營。俱在行間有功。凱旋。以疾卒。

沙納哈巴圖魯。滿洲正黃旗人。姓賴卜氏。世居齊克潭和洛地方。順治六年。從征大同。叛鎮姜瓖。攻左衛。於紅衣礮擊破缺城。奮勇先登克之。賜巴圖魯號。授拜他喇布勒哈番。遇九年。

恩詔。加一拖沙喇哈番。十一年。從寧海大將軍固山額真宜爾德。征浙江舟山。偽英毅伯阮思等來拒戰。沙納哈同梅勒章京根特擊敗之。偽總制陳六御等。復率衆來敵。同梅勒章京柯永蓁逆擊。

大敗之。十四年。論功。加授三等阿達哈哈番。緣事革去巴圖魯號。降爲拜他喇布勒哈番。康熙十三年。以叅領任夸蘭大。兼署右翼前鋒噶喇大。隨平寇將軍根特巴圖魯。議政大臣護軍統領桑額。征逆藩耿精忠。由江西進剿。七月初六日。在撫州府鍾家嶺。破僞都督易天錫。九月初三日。隨定南將軍內大臣希爾根。攻克撫州府。併敗建昌府賊兵。初五日。率領前鋒會同鑲紅旗夸蘭大希福納。正藍旗夸蘭大商吉圖。破撫州許灣賊三千餘人。十一月。追賊兵至界山地。

方敗之。十四年四月。隨定遠平寇大將軍安親王岳樂進攻建昌府。二十五日。至長興地方。距建昌府四十里。耿逆僞兵部尙書邵連登率領僞都督九人。賊兵八萬。立三十六營相距。沙納哈隨定南將軍希爾根等奮擊大破之。十五年二月。隨安親王岳樂至袁州府萍鄉縣。逆藩吳三桂遣僞將軍夏國相李良棟等領兵一萬三千來戰。沙納哈隨護軍統領桑額率前鋒四百名大破其衆。五月。至湖廣長沙府。吳逆賊兵自南門出城來犯。沙納哈仍同桑額等擊却之。十

七年吳逆死。十八年正月。長沙賊兵棄城遁走。沙納哈撫定湘潭衡山等縣。是年。陞前鋒統領。十九年三月。隨定遠平寇大將軍貝子章泰進勦湖南。平定綏寧。會同乾陽三縣。破僞將軍吳應麒等。克沅州。十月。隨貝子章泰進貴州。克鎮遠府。進攻貴陽府。僞將軍胡國柄吳應麒高起隆夏國相等。奉逆孽吳世璠遁往雲南。遂克貴陽府。二十年二月。追賊兵至江西坡。進取平彝衛及亦資孔等處。十九日。直抵雲南。是年加授軍前叅贊大臣。所至招降僞將弁等。十月二十

八日。由桂花寺進圍雲南省城。逆孽吳世璠自盡。餘黨悉降。雲南平定。凱旋回京。二十三年十月。陞正黃旗都統。尋兼議政大臣。子穆爾泰。康熙十三年。以七品筆帖式。隨經畧莫洛。往征逆藩吳三桂。由陝西進四川。至寧羌州。值提督王輔臣叛。殺莫洛。穆爾泰隨眾與賊戰不勝。死之。二十二年。議卹。授拖沙喇哈番。以其弟倭舒襲。

費揚古。滿洲正黃旗人。姓納蘭氏。

孝敬皇后父也。初任三等侍衛。陞二等。兼管前鋒侍衛。

事。尋陞護軍叅領。加拜他喇布勒哈番世職。又調一等侍衛。旋陞右翼步軍總尉。兼理內務府總管。康熙十七年。晉內大臣。管步軍統領事。又加一拖沙喇哈番。尋以病卒。雍正元年。以係

皇后父。追封一等公。

賜祭文云。宣力効忠。臣子殫奉公之義。策勲錫命。國家施念舊之仁。矧股肱懋禁近之庸。門閥炳椒房之貴。式崇恩禮。用錫褒綸。爾費揚古。奉職精勤。持躬恪慎。效趨承於禁闈。祇敬無渝。備宿衛於周廬。徼巡靡懈。克殫公忠之志。罔弛夙夜之勞。秀毓坤儀。祥鍾淑德。

是用錫爾襲爵。賁爾佳城。秩晉上公。指山河而申命。榮光幽壤。煥松柏以凝輝。嗚呼。念勲舊之家聲。名傳奕世。篤嫺親之厚誼。澤逮重泉。式奠椒馨。庶其來格云。

達爾化。滿洲正黃旗人。姓賴卜氏。世居董鄂地方。任德州城守尉。康熙十三年。逆藩吳三桂反。達爾化從征。効力行間十年。得功牌甚多。授拜他喇布勒哈番。四十二年。陞江寧右翼副都統。覺羅德爾錦。滿洲正黃旗人。父曰覺羅國幹。

景祖翼皇帝第三兄五世孫也。以順治九年二次

恩詔。授拜他喇布勒哈番世職。德爾錦於康熙十五年。

授七品官。隨旗上

朝。旋補三等侍衛。以工騎射。選入托福和莽阿。二十七年。陞二等侍衛。任西爾們大。二十八年三月。任侍衛壯尼大。五月。陞一等侍衛。三十二年。補授駐防右衛護軍叅領。三十五年。隨撫遠大將軍伯費揚古征厄魯特噶爾丹。由西路進兵。適夸蘭大布代患疾。遂委德爾錦署夸蘭大。至昭莫多地方。遇賊兵數萬。列陣逆戰。德爾錦隨費揚古奮勇直前力戰。自未及酉。大敗賊眾。追

八旗通志 卷一百五十二
殺三十餘里。凱旋議敘。宗人府給第一等功牌一面。三十六年議敘。加一拖沙喇哈番。四十年。轉補火器營叅領。兼任察哈爾叅領。以諳知道路。又兼鄉導叅領。四十二年。緣事解叅領任。以世職隨旗行走。五十九年三月。起補副驍騎叅領。又兼佐領。十一月。陞鑲藍旗蒙古副都統。又轉正紅旗滿洲副都統。六十年正月初二日。奉聖祖仁皇帝特旨。召入乾清宮西煖閣。領所生十子引見。命其長子內閣票簽中書蘇岱。照包衣筆帖式例。往浙江佐御史視鹽政。又許闔家常來請安。諸子

中有二子未授室。

特命以內務府記名二秀女妻之。其未字之第三女。聖祖親爲擇配。適

孝誠仁皇后親弟之子。資粧俱令內務府備辦。一時歎美。稱爲

殊恩焉。六十一年三月。陞正黃旗護軍統領。十月。陞正

藍旗蒙古都統。雍正二年。解都統任。卒於家。

吳勒。滿洲正黃旗人。姓舒穆魯氏。世居庫爾噶

郭羅渾春地方。康熙二十年二月。以委署護軍

校。從征雲南逆孽吳世璠。隨征南大將軍賴塔

人放通志 卷二百五十一
三
奪石門坎黃草壩。平定雲南。并在事有功。授拖沙喇哈番。三十五年。從撫遠大將軍伯費揚古。征厄魯特噶爾丹。由西路進兵。破賊於昭莫多地方。加世職爲拜他喇布勒哈番。累官至鑲藍旗護軍統領。
查弼納。滿洲正黃旗人。姓完顏氏。世居鄂爾渾地方。叔祖名艾音布。崇德間任戶部理事官。以能稱職。順治四年。考績。授世職拖沙喇哈番。七年。九年。三遇。

恩詔。加授三等阿達哈哈番。以疾卒。查弼納兄官音保。

襲職。官音保卒。查弼納始襲職。康熙二十八年。并襲佐領。四十四年。委署護軍叅領事。四十七年。改授吏部郎中。五十年。陞內閣侍讀學士。五十三年。又陞內閣學士兼禮部侍郎。五十五年。擢兵部侍郎。充。

經筵講官。六十一年。陞兩江總督。雍正四年。調內務府總管。尋授鑲紅旗漢軍都統。兼議政大臣。未幾。又陞吏部尚書。仍兼內務府總管。協理兵部尚書事務。明年。改授兵部尚書。七年。

世宗憲皇帝命吏部尚書內大臣公富爾丹爲靖邊大

將軍由北路進討準噶爾。查弼納叅贊軍務。明年。即軍前授為副將軍。九年。與賊兵遇於和通胡爾漢諾爾地方。查弼納力戰歿於陣。長子那興阿承襲世職。拖沙喇哈番。緣事革職。弟那清阿復襲世職。拖沙喇哈番。尋議查弼納功。追授為拜他喇布勒哈番。又一拖沙喇哈番。併加那清阿為三等阿達哈哈番。世襲罔替。

定壽。滿洲正黃旗人。姓何舍里氏。世居薩哈連烏喇之哈達村。祖祁郎阿。崇德八年。從貝勒阿巴泰征明。攻山東萊蕪縣城。克之。授世職半個。

前程。順治七年九年三遇。

恩詔。加至三等阿達哈哈番。康熙九年卒。子殷達蘭襲。

即定壽父也。殷達蘭卒。定壽始襲職。定壽有材勇。初選三等侍衛。尋陞護軍叅領。又擢副都統。未幾。陞前鋒統領。又晉都統。康熙五十八年。以副將軍出征準噶爾。至阿爾泰地方破賊有功。雍正二年。

特恩追敘。授拜他喇布勒哈番。并原襲世職為一等阿達哈哈番。仍改授前鋒統領。七年。領前鋒兵。同靖邊大將軍公富爾丹。由北路進剿準噶爾。九

八旗通志 卷一百五十一
年。至和通胡爾漢諾爾地方。與賊遇。定壽勇氣百倍。率前鋒兵奮勇衝殺。所向披靡。後賊勢愈熾。定壽竟力戰歿於陣。尋議卹。加授世職。爲三等阿思哈尼哈番。以其子和義承襲。

永國。滿洲正黃旗人。姓巴岳特氏。世居阿蒲凱地方。由官學生考授內務府筆帖式。康熙六十年。調理藩院筆帖式。雍正元年。遷本院主事。尋陞員外郎。明年。擢本院郎中。五年。陞內閣侍讀學士。七年。陞

盛京禮部侍郎。未之任。

世宗憲皇帝詔以吏部尙書內大臣公富爾丹爲靖邊大將軍。統兵由北路進剿準噶爾。永國以內閣學士銜。隨護大將軍印務。九年。與賊遇於和通胡爾漢諾爾地方。我兵轉戰連日。永國亦併力戰陣亡。尋議卹。授世職。拜他喇布勒哈番。

穆占。滿洲正黃旗人。阿思哈尼哈番德爾格勒孫也。初任旗員。順治十七年。陞正黃旗滿洲副都統。康熙十二年。署前鋒統領事。十二月。逆藩吳三桂以雲南反。四川巡撫提督總兵等官。悉叛降於賊。

聖祖仁皇帝以都統赫業爲安西將軍。由漢中入川。穆

占奉

命統兵同往。十三年三月。同西安將軍瓦爾喀率官兵

擊吳逆僞總兵葉某。自野狐嶺直抵陽平關。擒

斬賊衆三千餘。遂復陽平關。五月。同將軍赫業

領兵自漢中府起程。抵七盤關。穆占前驅。大破

賊衆於關口。又敗之於鍾子舖。十四年三月。同

定西大將軍貝勒董額統兵至鳳翔府之隴州。

遇僞總兵高鼐率賊四千在關山河岸拒守。遂

整陣前進。大敗賊兵。乘勝追北。恢復關山關等

處。尋

聖祖命爲安西將軍。七月疏報。臣奉定西大將軍貝勒

董額令。赴援鞏昌。卽同總兵官孫思克。於六月

二十一日抵鞏昌。遣投誠官陳萬策謝輝等入

城曉諭。僞總兵陳科等率衆出降。計馬步兵四

千九百餘名。民兵五千六百餘人。安插居民十

三萬五千有奇。恢復郡城。十五年六月。進兵至

樂門。賊聞風遁去。追剿至紅崖等處破之。恢復

禮縣。慶陽府僞總兵周揚名。王好問。僞副將孔

蔭熊等。共率所屬文武僞官九百餘員。兵丁四

八旗通志 卷一百五十一
萬八千二百名有奇。陸續投誠。秦中平定。是月奉

命改授征南將軍。

聖祖諭曰。將軍穆占。速赴湖廣。簡選荆岳夔陵士馬。由岳州趨長沙。接應安親王兵。若長沙軍無虞。或出夔陵。或取岳州。或由荊州渡江。便宜進發。十六年正月。疏奏。臣等率兵由岳州赴長沙。深入賊地。岳州百里界內。宜發兵防守。庶無斷後之虞。

聖祖以所餘兵單。不允所請。又疏奏。臣抵岳州。相度形勢。江湖之間。非船不濟。今安徽巡撫造送沙船四十艘。於本月十五日到岳。應再發江南荆州諸處沙船百餘艘。齊赴岳州軍前。倘長沙未能卽克。至三四月間。臣等遣兵取船。由洞庭前進。或攻或圍。均有攸賴。若長沙旣得。則安親王及臣等之兵。卽乘此船。水陸夾攻岳州。庶乎有濟。奏入。

聖祖命京口將軍王之鼎發沙唬船六十艘。隨帶礮械水手人役。量配官兵。護送岳州。并靳輔所送船。足百艘之數。以備安親王岳樂將軍穆占取用。七月。以安親王岳樂疏奏。兩軍同駐日久。糧芻益艱。

聖祖特諭將軍穆占。卽統兵到岳州。亦必俟鳥船告竣。然後進攻。度鳥船到彼。正當隆冬水涸以前。若俟來年水長進兵。勢必坐守岳州。虛糜日月。穆占宜勿赴岳州。以兵會簡親王。規取衡永諸處。遏賊後路。如此則粵東得以寬緩。而粵西欲降者。亦可乘間來歸。穆占等其卽率岳州官兵。速赴茶陵攸縣。與簡親王協力進取衡永諸處。八月。吳逆侵犯廣東廣西等處。

聖祖諭曰。逆賊侵犯韶州桂林諸處。皆由大將軍安親王岳樂將軍穆占等擁兵坐守長沙。不卽破賊平定湖南所致。岳樂等其以文到日。卽分兵令穆占率赴

樂昌諸處。以斷來犯韶州賊兵後路。夾而攻之。度未可行。穆占卽會同大將軍簡親王喇布。進取衡永諸處。以斷侵犯兩粵賊兵後路。尋又奉

諭旨。將軍穆占自岳州帶往兵。令分每佐領四名。留駐長沙。聽安親王酌量遣發赴醴陵防守。九月。穆占奏

言。臣等於本月初二日赴袁州。察訪進兵道路。卽赴樂昌。如有未便。則會合簡親王進取衡永。又前議留兵每佐領四名於安親王所。適兵部咨以文到日。卽分兵赴樂昌。用是悉師以往。未獲分留長沙。

聖祖諭曰。穆占不進取樂昌。又不赴茶陵攸縣。徑回袁州。以會同簡親王爲辭。又自違本議。將荆岳所帶官兵。盡携赴袁州。不分留長沙。殊屬不合。穆占其速如前議。分每佐領兵四名。留安親王軍前。其或進取樂昌。或由茶陵攸縣進取衡永。作速定議。一面前進。一面奏聞。尋穆占疏言。臣在袁州養馬二十五日。卽赴樂昌。因此不留兵長沙。悉以大兵隨行。復奉

諭旨。將軍穆占仍遵前旨。速分兵每佐領四名。赴安親王軍前。穆占又奏。臣遵部檄。分每佐領兵四名。付副都統公圖。於本月初十日。赴安親王軍前。因部

檄不言留綠旗兵與紅衣礮。故臣盡率綠旗兵。攜紅衣礮至袁州。得

旨。穆占如期養馬畢。卽速行剿賊。其所率綠旗官兵。皆係秦楚勞瘁將士。官員各加一級。兵丁支正項賞賚。十一月。揚威大將軍簡親王喇布。以賊首韓大任欲渡河潛遁。難以擊滅。奏請令穆占分兵堵禦。穆占疏言。聞吳三桂遣僞帥三人。由永新犯吉安。臣身在地方。洞悉情形。僞帥來犯。非迎擊不可。臣是以率兵前進。於本月初三日。已抵永新。俟後軍一至。卽剿除永新百里外所屯賊寇。

進取茶陵。其逆賊韓大任。應令大將軍簡親王。或和碩額駙華善。率兵堵禦。尋奉

聖祖諭。簡親王速調副都統布恕庫提督趙賴等所轄之兵。亟滅韓逆。將軍穆占。身臨賊境。必悉情形。或先赴梁口。協剿逸寇。或已進取茶陵。遏禦楚賊。卽乘機平定湖南。其詳悉籌度。無失事機。十二月。穆占疏報。十一月至茶陵州。知賊衆已遁。卽令都統宜理布等領兵追剿。賊衆奔入攸縣。據河岸迎敵。我兵奮勇前進。奪取城門。陣斬賊兵四千餘級。生擒一百餘名。餘賊遁去。茶陵攸縣。俱已恢復。尋

又奏茶陵攸縣。新經恢復。乞調副都統公圖率往長沙之兵。及袁州總兵官趙應奎兵。來此戍守。臣卽赴梁口剿賊。得

旨。會剿大兵爲數已多。簡親王等。其併力殺賊。務在殄滅。穆占當以恢復茶陵攸縣事。啓聞安親王。而親統大兵底定湖南。已而穆占又疏言。逆賊吳三桂堅守衡州。衡州茶陵相距甚近。水陸兼通。臣所部兵。戰守未足。乞調安慶提督王永譽。率標下官兵前來。併力圖賊。

聖祖諭曰。前以徽州要地。遣王永譽率兵駐守。不便隔

八旗通志 卷二百五十二
省調遣。安親王軍前益以副都統公圖之兵。爲數頗衆。今將軍穆占已復茶陵攸縣。將進兵湖南。安親王其速遣提督趙國祚盡率所部兵。復量加滿兵。往守茶陵攸縣。俾無誤。穆占進剿。安親王穆占更宜互爲聲援。同心協謀。以期破賊。是月穆占又疏報。安仁縣所屬高石地方。有僞韶南將軍及監軍道駐扎。又茶陵州所屬石井地方。有僞知縣駐扎。卽遣官兵前往。生擒逆賊譚文度。僞知縣譚敦錫。獲僞韶南將軍及僞監軍道關防。十七年正月。穆占疏言。聞逆賊自失茶陵攸縣諸處。饋餉不給。

軍士胥怨。民多遠避。但茶陵等地方新復。亟須堅守。臣惟俟安親王所遣滿兵。及提臣趙國祚抵茶陵日。并韶州滿兵。平南王下綠旗兵。何時大衆由樂昌進取宜柳等處。知會到時。方可相機前其發。進取湖南。若逆賊韓大任等逸入楚境。江西類大兵。宜追躡至湖南。庶賊可撲滅。新復地方亦得無虞。得

旨。前命平南王尙之信率兵赴韶州。會將軍額楚等。由樂昌進宜章郴永。其進兵可否。尙之信等尙未奏知。穆占所領陝西荆岳諸處將士。皆經簡擇。平定湖南。

八旗通志 卷一百五十二
唯此精兵是賴。當茲逆賊窮蹙之時。卽宜速定湖南。殄滅凶醜。不可待尙之信等兵。坐失機會。至江西大兵。現在征討韓大任。平賊之後。自有措置。豈可懸揣卽行指示。穆占亦不必待江西兵至湖南。卽鼓行滅賊。亟靖疆場。安親王亦宜速遣提督趙國祚赴茶陵。其逆賊地方失守。軍怨民遁情形。可移會荆岳長沙大將軍王貝勒等知之。尋報。臣遣發官兵。大敗賊衆於鄴縣。斬獲僞總兵副將等十餘員。又報。臣遣發官兵。屢敗賊衆於富茂灘地方。擒斬無算。恢復永寧縣城。二月。穆占疏言。茶陵攸縣安仁永

與鄴縣。幅幘遼濶。與賊逼近。臣等雖擊敗賊首郭應輔等。而餘賊大半仍匿鄴縣山谷中。且吳三桂盤踞衡州。江之東岸。有僞將軍馬寶等立營。獨令倭赫控制諸地。兵力殊單。得

旨。穆占著俟簡親王至湖南日。會同定議。三月。穆占疏言。大將軍簡親王所遣護軍統領哈克山之兵。來自長途。馬多疲乏。臣若俟之同行。將至炎暑。今當於署副都統公倭赫。總兵官趙應奎至日。委以地方。卽行前進。但茶陵諸處曠濶。兵力未敷。請先調江西兵內馬肥者。每佐領二三人。遣

大臣一員率之。速赴茶陵鎮守。簡親王兵必由茶陵進發。臣等移兵候於來陽郴州。協謀以行。得

旨。茶陵諸處所屬。亦屬重要。理宜固守。授和碩額駙華善定南將軍印。同學士薩海領之。速赴茶陵。與倭赫等協同駐鎮。哈克山等至吉安。稍休士馬。卽繼簡親王進兵湖南。共圖滅賊。尋穆占又奏。請令簡親王兵與其所部兵會合一路。自茶陵取郴州耒陽諸處。卽自永州渡江。直向衡州。

聖祖諭簡親王整頓軍馬。速與穆占會合。詳加籌畫。令

江西萬無他虞。保固茶陵諸處。及大將軍安親王後路。然後會師一路進發。平定湖南。閏三月穆占疏言。

接大將軍安親王檄稱湘潭僞將軍林興珠遣人約降。大兵方渡江駐湘潭。以圖進取。臣若俟簡親王至日方行。恐失機會。今議以南昌所屬付總督董衛國。贛州南安付將軍舒恕。今之駐守。留每佐領兵二人於吉安。令副都統一人領之。防守泰和萬安諸處。又留滿兵三百人於永新。亦令副都統一人領之。勦禦郭應輔等賊。兼顧茶陵後路。又令袁州副都統席布率每佐領

兵二人。鎮守袁瑞臨江諸郡。兼顧安親王後路。廣信尚有餘賊。令總兵官許貞領標兵二千駐守。其總兵官高登科標兵一千。贛州綠旗兵二千。俱聽簡親王統率前進。簡親王抵茶陵日。留所部才能大臣精銳官兵之半。其餘簡親王率之。仍遵前

旨。從臣兵所行之路。進定湖南。至攸縣最爲要地。臣已留前鋒統領希佛率署副都統公倭赫之兵。與將軍華善協同鎮守攸縣安仁諸處。兼顧江西。於本月十二日自茶陵啓行。進取耒陽郴州桂

東桂陽得

旨。將軍舒恕現鎮南韶諸處。不便更令移駐南贛。其令巡撫佟國楨總兵官哲爾肯駐守。餘如所請。當此逆賊震動之際。穆占急宜進兵郴州耒陽。以分賊勢。耒陽諸處克復。卽於上游渡江。斷賊歸路。與安親王協力剿寇。如江未可渡。則作渡江之勢。畧定沿江北岸地方。以張安親王大軍聲勢。尋穆占又報。江西長寧縣僞昭陽將軍下總兵謝聘等三十二員。率領兵丁投誠。六月穆占又報。萬巖山內賊首僞總兵何興等六員。副將等三百餘員。兵丁二萬餘

名俱各投誠。尋疏奏。郴州等九州縣。幅幘遼濶。設有賊出犯。無兵可遣。因檄駐守廣東南雄將軍舒恕。分兵赴郴州。今逆賊逼永興。宜調江西提督趙賴往守攸縣。昇和碩額駙華善將軍印。卽率署前鋒統領薩克察巴圖魯滿兵。總兵官趙應奎標兵。由安仁進發。斷未陽賊後路。毀其浮橋。如不可毀。則遣赴永興。與副都統雅秦雅哈喇額思赫等。協同固守。臣盡撤所部還郴州。整兵前取未陽。則逆賊自潰。得

旨。將軍穆占統率大兵。由秦入楚。自荊州啓行以來。凡

兵將或攜或留。及調遣守禦事宜。無不如奏允行。卽今破賊收疆。亦皆穆占是賴。此等調度。俱如所請行。

九月穆占疏報。官兵敗賊於未陽縣地方。擒僞守備胡起龍等。尋穆占又奏言。因華善等至郴州。永興賊遁。故臣未赴永興。遣副都統保住。總兵官趙應奎。署副都統雅秦等。各以所部兵從華善往守。撤臣所部前鋒護軍甲兵。及漢軍綠旗兵。盡還郴州。休息軍馬。以候

諭旨。已而揚威大將軍和碩簡親王喇布疏言。臣上三旗內府佐領兵三百人。未發永興。因檄詢華善

八旗通志 卷一百五十一
等。華善等言此兵至郴州。皆願軍前効力。穆占遂留之。以臣所遣之兵。華善不啓臣知。竟留穆占軍前。穆占亦不以留兵之事聞之於臣。倘遇驚急。有所調發。亦皆如此。恐悞軍事。嗣後華善之兵。或聽穆占調遣。或聽臣調遣。伏候

睿裁。

聖祖諭。簡親王方勦撫逆寇之際。穆占盡撤其屬兵。茶陵攸縣安仁諸處。所存兵每佐領不足七人。大將軍安親王每佐領兵二人。復遣還長沙。致簡親王兵力單弱。遇有調遣。穆占又相去甚遠。誠難應時卽至。今

簡親王赴安仁。相機進剿。其所部兵。當聽隨宜調遣。簡親王所發官兵。穆占并未商酌。任意留之。不合。其內府佐領兵三百人。仍令發回。至永興地方。本令穆占簡親王協同守鎮。今若止令簡親王駐守。倘簡親王相機進發。或逆賊來犯。恐兵力單弱。關係匪輕。其令穆占簡親王協議。各酌遣官兵。共守永興。今逆賊吳三桂已死。正急宜勦撫之會。穆占簡親王其凜遵諭旨。同心合力。以圖濟事。已而簡親王復奏。華善多諾俱已降黜。永興現缺統帥。因授內大臣阿密達揚威將軍印。以夸蘭大碩塔阿晉泰等副之。

遣往駐鎮得

旨。簡親王既赴安仁。叅贊不可無人。阿密達仍與簡親王偕往。永興去郴州不遠。况穆占前奏郴州別付一大臣鎮守。以便親赴永興。宜令穆占或選彼處所有大臣一員。往鎮永興。或親往鎮守。酌可而行。十八年三月。穆占疏報。臣等遣人賫

勅前往新田寧遠道州諸處招撫。有偽總兵李魁等文武官七十餘員。率領兵丁家口投誠。尋又奏。臣等率領官兵追擊常寧縣賊。偽總兵郭應輔等迎敵。我兵奮勇前進。陣斬八百餘級。餘賊悉遁。

恢復縣城。尋又報。賊渠吳國貴等遁往永州爲守城計。臣遣官兵追及之。於白水市諸處擊敗賊衆。斬殺甚多。是月初九日。遂復永州。於是道州永明江華東安等縣所有之賊。聞風俱棄城而遁。四月。穆占疏言。臣自辰州啓行。追賊二十日。會大雨泥濘。馬斃甚多。兵士乏騎。得

旨。穆占與大將軍簡親王進發廣西。宜速撥武昌馬千匹。送至穆占軍前。以給乏馬兵士。尋又報。臣遣右營遊擊張德恩等領兵恢復灌陽縣。都督僉事陳輔弼等領兵恢復興安縣。又遣投誠偽總兵陳

邦賢領兵恢復全州。五月疏報。千總陳有聲等領兵進取恭城縣。僞知縣張魁臣以城降。七月。穆占招撫僞總兵路奇遇等文武各官一百七十九員。八月。克復新寧縣。十一月。

聖祖特命貝子章泰爲定遠平寇大將軍。與穆占同心商酌而行。十九年四月。穆占會同總督董衛國。率官兵進取沅州。擊敗僞將軍吳應麒等。恢復沅州。十月。自平溪衛與貝子章泰及綏遠將軍總督蔡毓榮等領兵前進。於十月十一日抵鎮遠府。逆賊僞將軍張足法楊應選等夜遁。恢復府城。

穆占復追剿逸賊。復偏橋衛興隆衛。二十年二月。疏報。僞大將軍高起隆。僞將軍夏國相王會王永清張足法楊應選儂朋等擁衆二萬餘人。屯踞平遠西南山上。臣與提督趙賴率滿漢官兵。於正月二十二日進擊。連敗之。高起隆等俱遁走。王會率其標下弁兵詣軍前降。遂復平遠府。三月疏報。二月初八日。臣遣副都統莽依圖遊擊王成功等領兵四千追剿逸賊。僞將軍張足法等拒敵。我兵連奪三山。賊敗走高家橋。再戰。又奪其橋。陣斬千餘人。墜崖死者無算。擒獲

甚多。尋又報。二月十八日。收復黔西州大定府城。擒僞巡撫張維堅等斬之。水西土司安勝祖等効順助餉。又率其屬阿五等協力勦賊。四月疏報。僞將軍楊應選等率領所屬弁兵投誠。尋又奏。平遠大定黔西遵義悉經恢復。諸處向有賊將。俱奔赴雲南矣。貴州無警。臣同副都統華色。宜思孝。遵大將軍貝子等檄。率護軍驍騎。漢軍兵每佐領四人。進征雲南。餘兵付前鋒統領薩克察巴圖魯總督董衛國等。留鎮貴州。

聖祖諭曰。賊雖奔散。黔省有土司苗蠻雜處。關係匪輕。將軍穆占酌量率兵。仍回貴州。統攝官兵固守疆土。副都統華色宜思孝。旣已前赴雲南。薩克察巴圖魯不必赴雲南。是年貝子章泰都統賴塔等。各處兵進雲南。平定吳逆。穆占俱在行間有功。明年十月還京。二十二年三月。議政王大臣等議穆占行間情罪。擬卽行處絞。籍沒家產。奏入。

聖祖諭曰。穆占在保寧。謊稱糧米已經運到。在秦州交戰時。不臨陣指揮。遠立觀望。在辰州。推諉不救永興。以此坐罪固宜。但伊勞績約有二百六十處。他人勞績四五十處。尙行抵罪。伊有如許勞績。獨不可相抵。

乎。這所議稍過。著再議。尋議覆穆占應革去都統阿
達哈哈番。籍沒家產。妻及未分家子。交內務府
得

旨著革職。餘俱從寬免。後以疾卒於家。

八旗通志初集卷之一百五十二

名臣列傳十二

正白旗滿洲世職大臣一

達爾漢轄

薩木什喀

羅什

雅賴

準塔巴圖魯

弟胡什布 丹布 丹布子拉薩里 達吉

康果禮額駙

子麥色 兄昂武 昂孫杭齊 武子馬克圖

賴塔

朱瑪喇

弟伊瑪喇

達爾漢轄本名扈爾漢滿洲正白旗人姓佟佳氏其父扈喇虎於

太祖高皇帝戊子年由雅爾古地方率十子及所屬人民來歸以其人編立牛录使之統焉扈爾漢係扈喇虎長子

太祖優遇之養以為子賜姓覺羅授一等大臣瓦爾喀部蜚悠城長名策穆特黑者苦烏喇貝勒布占泰之虐請移家內附

太祖命扈爾漢隨舒爾哈齊貝勒往遷之扈爾漢以兵三百護五百戶先行烏喇聞之遣萬人邀諸路

太祖命扈爾漢隨舒爾哈齊貝勒往遷之扈爾漢以兵三百護五百戶先行烏喇聞之遣萬人邀諸路

扈爾漢卽結寨山巔。分百人衛之。身率二百人拒敵。使人馳告。後隊衆貝勒。是夕。以二百人與烏喇萬人相拒。敵不能犯。次日敵衆來戰。遂同楊古利額駙迎擊。却之。洎洪巴圖魯貝勒代善貝勒兵至。乃大破其衆。丁未年。從卓禮克圖貝勒等征東海兀集部。取赫席黑。俄漠惠蘇魯。佛納赫。拖克索。三路。俘獲二千人。已酉年冬。率兵一千。征東海兀集部所屬滹野路。悉降所部。收二千戶以歸。

太祖嘉之。賜以甲冑乘馬。又賜達爾漢轄號。辛亥年冬。

往征兀集部。虎爾哈路。同何和理額駙等圍扎庫達城。三日不下。遂攻之。斬首千餘。俘二千人。其環近各路。盡招撫之。令土勒伸額勒伸二人衛其民五百戶而歸。天命元年。秋七月。同順科洛巴圖魯統兵二千。征東海薩哈連部。至兀爾簡河。刳舟二百。水陸并進。取河南北三十六寨。復擬渡江進取。移師駐黑龍江岸。先是江水常以九月始冰。時八月初旬。忽冰結如橋。衆皆驚喜。以爲天助。遂聯騎徑渡。渡畢冰解。因取江北十一寨。師還。冰結如前。又招降使犬路及諾洛

八旗通志 卷一百五十二
路石拉忻路部長四十人。四年明兵四路來侵。
達爾漢轄從。

太祖擊明撫順。開原二路兵大敗之。復先率千人。禦董
鄂路兵。摧其前鋒。伏兵山隘以扼其衝。

太宗皇帝是時號四貝勒。與諸貝勒繼至。併力奮戰。大
破明劉綎兵。盡殪之。又與代善貝勒破明遊擊
喬一琦兵。擒一琦。達爾漢轄荷。

太祖撫育之恩。奮不顧身。每遇戰陣。輒爲前鋒。茂建勲
績。英年加秩至一等大臣。居五大臣之列。輔翼
鴻業。歷加世職至三等總兵官。八年卒。時年四十有

八。

太祖親臨其喪。哭之。以三等總兵官世職。令其第三子
渾塔襲之。緣事罷退。

世祖章皇帝追念其勲。復賜精奇尼哈番世職。令其五
子分襲。康熙二十七年。

聖祖仁皇帝謁

祖陵至盛京。特遣大臣往奠墓。次子八人。長阿爾賽。次
布爾賽。第五子胡什布。第七子達賴。第八子丹
布。并以父軍功。各分襲一拜他喇布勒哈番。第
四子準塔巴圖魯。最知名。自有傳。渾塔子色勒。

曾任散秩大臣。

薩木什喀達爾漢轄第三弟也。早從征伐。所至有功。歷授遊擊世職。征董夔時。薩木什喀僅率十二人。追敵至山下。殺其拜思噶爾轄扎穆吳巴什等百餘人。獲火礮五十三。俘獲人口馬牛羊千計。天聰四年。征明。攻灤州。薩木什喀攜箭七百枝。以四百枝與那木泰。圖爾格。散給衆兵射之。因而勝敵。七年。從德格類。岳託。二貝勒。往證明旅順口。由陸地運船於水。衆皆乘馬。薩木什喀乃聚衆議曰。我兵旣欲潛進。何乘馬爲。于

是衆皆步行。時鑲紅旗鑲藍旗鑲黃旗俱無船隻。不能前進。薩木什喀獨率衆運船。比臨水次。管兵部事岳託貝勒謂之曰。薩木什喀。汝可努力。答曰。貝勒。但以此城必得爲念。我豈肯乘船而返哉。遂同霸奇蘭乘船。先八旗而進。敵人拒戰。身被一創。戰益厲。遂擊敗馬步敵兵。我師大隊繼進。遂破旅順口。先是薩木什喀以事削遊擊世職。至是爲步兵翼帥。不違貝勒指示。整兵破敵有功。遂復授世職爲一等叅將。八月師旋。太宗文皇帝率諸貝勒大臣。迎旅順口凱旋。德格類。岳

八旗通志 卷一百五十二 五
宗文託兩貝勒於十里外立纛拜

天行禮畢。

太宗命英俄爾岱傳諭問凱旋之貝勒及大臣安否。薩

木什喀進前對曰。蒙

天庇佑。遵

聖訓指授方畧。已攻克旅順口城。於是設大宴。

太宗親以金卮酌酒。賜兩貝勒。次賜步兵帥霸奇蘭及

薩木什喀。八年任甲喇章京。十二月奉

命同管白奇超哈梅勒章京。副霸奇蘭。率章京四十一

員。兵二千五百名。往征黑龍江地方。臨行。

太宗諭令撫慰俘獲之人。言此地人民語音。與我國同。

攜之而來。可以為我國用。攻畧時。當語之曰。我本是

一國之人。爾以不知載籍之故。竟至於此。爾。

諭畢。賜食。又

諭曰。畧地之後。或報捷。或遣兵送俘。必令由科爾沁國

舅吳克善所屬之席北綽爾門地方。其應畧之地。有

夏姓武因屯。長喀拜。庫魯木圖屯。長郭爾敦。及納屯

等。各遣從役輸誠。今令其人從軍為鄉導。爾等畧定

他屯。不可犯此歸附三屯。宜仍留於本處。若他屯未

定。此三屯當盡行攜來。

論畢。命薩哈廉貝勒等大臣送至二里外。九年四月。與
霸奇蘭遣白奇。及兵部啟心郎額色黑。伊木布
齋捷音至。言收服編戶壯丁二千四百八十有
夏。人口七千三百有二。牲畜馬八百五十六。牛
五百四十三。又俘獲婦人子女一百十六。馬二
十四。牛十七。犬四十三。貂皮一千一百二十四。
及狼皮。獐狸。獾皮。水獺皮。狐皮等。又騷鼠皮裘
十二領。騷鼠皮一百六十張。青鼠皮裘三領。青
鼠皮一千五百六十張。五月。敘出征諸臣功。以
薩木什喀征黑龍江。盡克其地。所獲人民。全編

氓戶。攜之以歸。尋以出師有功。由三等甲喇章
京世職。加爲三等梅勒章京。又加世襲二次。共
襲十二次。丙辰。與霸奇蘭獻俘。獲人口一百一
十六名。馬二十四匹。牛十七頭。貂。狐。獐。狸。獾。水
獺。青鼠。黃鼠等皮三千一百五十張。皮裘十五
領。

太宗以出征大臣勞苦。分賜右翼五固山兵主霸奇蘭
左翼五固山兵主薩木什喀。以下章京四十四
員。各賞賜有差。其薩木什喀。霸奇蘭招降七千
三百人。俱

賜房屋田地衣食器皿等物。薩木什喀遷白奇超哈固山額真崇德三年三月隨武英郡王阿濟格助攻皮島。四月初八日夜武英郡王遣八旗甲喇章京率擺牙喇兵進攻。以薩木什喀督之前進。續遣白奇超哈乘小船繼之。又遣阿禮哈超哈四邊城章京全軍及烏真超哈三順王兵。朝鮮兵乘艦而進。以兵部承政車爾格統領進攻。薩木什喀統前鋒擺牙喇十船渡江。首先抵岸。遣人語鰲拜準塔駐兵以待。既我師齊列挨牌。敵於堡上列陣拒戰。薩木什喀奮勇力攻。克之。取

其島。七月敘功。由二等梅勒章京世職。優加爲二等昂邦章京。世襲罔替。是月陞任工部承政。十一月奉

命同曹海往征索倫部落黑龍江。五年三月遣党習郭查等齎奏至。言臣等前奏獲二千二百五十四人。後自額蘇里屯以西。額爾庫屯以東。又獲九百人。共獲男子三千一百五十四人。婦女二千七百一十三口。幼小一千八十九口。共六千九百五十六名口。馬四百二十四匹。牛七百四頭。又先獲貂皮一千八百一十張。狐皮三十四張。

狼皮十張。水獺皮九張。貂裘一領。狍狸獾裘一領。狐裘七領。貂皮二千二十八張。狍狸獾皮八張。青鼠皮一千六百四十二張。旋緣事革退世職。崇德七年。從大兵征明。攻錦州。敵兵來犯我寨柵。鋒勢甚銳。薩木什喀力戰。三敗其衆。錦州既克。敘功。復授牛彖章京世職。

羅什。薩木什喀之子也。任王府長史。天聰七年。從征大同。遇敵兵四百餘人。擊敗之。射死七人。得馬七匹。九年。征明。率兵四十人前行。敗祖總兵兵一千餘人。又同胡洒率左翼兵前進。擊敗

敵兵。崇德元年。從征朝鮮。朝鮮王京城兵迎戰。羅什奮勇前進。殺敵副將一員。進兵圍南漢城。以步戰破敵。又奉差從朝鮮回盛京。有自塔山來明兵三百人。截戰。羅什同蘇爾得等敗之。又敵兵三千餘衆。降而復變。仍擊敗之。三年。隨睿親王多爾袞。征明。遇明馮太監領兵來戰。羅什隨蘇拜。前擊敗之。五年。圍錦州。攻杏山。明錦州兵與我左翼兵相戰。羅什協力擊敗敵兵。又同八章京率每牛彖護軍一名。敗錦州兵。復敗松山敵衆。明軍門洪承疇率兵來援。隨大兵敗之。

殺三十餘人。得馬十六匹。敵兵自城內衝出。亦擊敗之。仍追殺四百餘人。獲馬二百餘匹。是夜明馬兵從松山突出來戰。羅什隨大兵追至海沿擊殲之。又敗杏山敵兵。追至塔山。殺步兵一千餘人。英親王阿濟格屯兵杏山河。有明寧遠兵千餘來哨探我營。羅什同前鋒八章京追殺之。敵兵來驅我馬羣。羅什追奪。斬敵甚衆。仍生擒其哨探而回。八年。征明至鎮寧口。同胡里布率四十人前進遇敵。時噶喇昂邦努三。蘇拜。隨後策應。大敗敵兵。順治元年。隨睿王多爾袞。在

山海關破流賊。敗唐總兵。又追流賊至安肅慶都等縣。大敗之。俱在事有功。優授爲二等甲喇章京世職。順治七年遇

恩詔。加至三等阿思哈尼哈番。

雅賴。達爾漢轄第十弟也。早年從征烏喇。卽著勞績。以被創賞人三口。畧地朝鮮。與姜總兵戰。又被一創。與他將合賞馬一匹。天命六年。隨大兵征明。克遼東。同戴木布。楞額禮。于達岱塔地方。擊蒙古兵。先登破之。賞馬一匹。牛一頭。又從征察哈爾。率兵登山寨殺敵。大有俘獲。招降甚

衆。天聰二年征明。攻廣寧。明巡撫袁崇煥兵圍我擺牙喇兵。會城中敵兵亦出。雅賴隨主帥伊爾登力戰。伊爾登壯之。以告于本旗二貝勒。由是知名。三年五月。同羅璧折爾德清善率步兵一千。往畧明新城一帶。遇毛文龍採參船四隻。殺六十人。毀其船。九月癸未。同楊古利額駙阿山。楞額禮率馬兵一百。步兵二百。往雅爾古地方躡緝逃人。遇毛文龍採參者。殺九十六人。生擒千總三員。及其從人十六名以歸。五年。大兵征明大凌河。正白旗士卒有亡於敵陣者。欲取其屍。敵陣堅。衆不能進。雅賴單騎直入。殺三人。曳其屍而還。有敵兵自大凌河城隅而出。雅賴率擺牙喇兵整隊攻入。七年六月。再征明旅順口。雅賴與薩木什喀同舟而進。未及登岸。船內中傷者十七人。死者一人。比及岸。雅賴越薩木什喀而前。先登殺敗敵兵。又向陸路馬步兵大呼曰。雅賴先入矣。遂衝入敵隊。比天明。與敵兵戰於城門。我兵有退怯者。雅賴取岳託貝勒部下所收大凌河蒙古之刀手刃之。驅衆擊敗敵兵。雅賴雖係擺牙喇額真。原無世職。以是役徹

初集

夜督戰。身被一創。與薩木什喀併力破敵有功。始授備禦世職。崇德六年。七年。大兵征明錦州。松山。八年。貝勒阿巴泰。征明北京。山東等處。雅賴俱在行間有功。議敘。加半個前程。順治元年。四月。從睿王多爾袞。破流賊。定燕京。二年正月。敘功。加授世職。爲三等梅勒章京。是年。從豫親王多鐸南征。破流賊。及平定河南江南。又加半個前程。七年。九年。遇

恩詔。加至一等阿思哈尼哈番。兼一拖沙喇哈番。康熙三年病故。子花色襲。

準塔巴圖魯。魯達爾漢。轄第四子也。天聰八年。因辦事有能。不違指使。授牛彖章京世職。崇德二年。貝子碩託等。往征明皮島。守將沈總兵。堅守不能克。三年三月。準塔隨武英郡王阿濟格。統兵往助攻。王集諸將。詢問進攻之策。準塔與鰲拜。向王前約曰。我二人奮勇先登。必能克之。我等若不得此島。必不復來見王。遂與鰲拜。連舟渡海。先衆而往。舉火爲號。以待後師。敵兵於堡上列陣拒戰。準塔與鰲拜。冒矢石直衝敵衆。遂克取其島。是年議敘。以此島可比大城。由牛彖

章京世職。超擢為三等梅勒章京。

賜名巴圖魯。加襲六次。歷陞至固山額真。七年七月。奉

命同輔國公博和託。吞齊哈。扎哈納。固山額真葉臣。何

洛會。巴特瑪等。率官軍往代饒餘。貝勒阿巴泰

等。戍守錦州。尋以代旋師。八年十二月。復奉

命同固山額真譚泰。統領官兵。更番駐防錦州。順治元

年。從睿王多爾袞。入山海關。破流賊。追至慶都。

大破其眾。又與固山額真譚泰。肅章京德爾德

赫。哈寧阿等。率噶布什賢兵。追流賊至真定。大

破之。賊焚輜重。倉皇敗走。於是燕京迤北。居庸

關內外各城及天津真定等處皆降。二年正月。

命多羅饒餘郡王阿巴泰為總統。準塔以固山額真為

左翼。梅勒章京譚布為右翼。率官兵往山東代

和碩肅親王豪格。平定郡縣。二月。聞南京偽福

王遣兵渡河。圍徐州沛縣李家樓。準塔等領兵

星夜前往。敵人馬步兵二千有餘。屯駐徐州十

五里外。我兵衝擊賊營。賊兵赴河死者無算。擒

斬渠帥六人。安撫百姓。秋毫無犯。獲人口牛馬

甚多。旋奉

命鎮守廬鳳淮揚等處。六月。疏報五月間臣自徐州水

八旗通志 卷一百五十二
陸并進。適明將偽伯劉澤清。副將高祐統戰艦
攻宿遷。隨分遣官兵進擊。大敗之。師次清河。澤
清所部總兵馬化豹。副將張思義等。率兵四萬。
船千餘隻。據淮黃清三河口。連營十里。臣遣梅
勒章京康喀賚。同遊擊范炳吉天相等。率兵渡
清河。列營相拒。擊敗敵艦。復遣都司楚進功。率
步兵六百人。拒黃河北岸。鳴礮相應。又分兵兩
路。一自清河上游進擊。一攻對岸。馬步敵兵。俱
敗之。合軍追至淮安界。斬其副將二員。叅將一
員。師次清江浦。偽監司范鳴珂。攜勅印來降。澤

清同偽總漕田仰。各率兵丁家口登舟遁。偽總
兵栢永馥。率所部及城中官民出迎。遂克淮安。
其鳳陽廬州一帶。望風納款。臣隨領兵巡歷各
處。安撫居民。委署官吏。是役也。共招降監司一
員。總兵一員。副將二十三員。叅將二十五員。遊
擊四十員。都司守備七十二員。獲船五百餘艘。
馬九百餘匹。駱駝二十五隻。紅衣礮一百二十
位。銀四萬七千兩。捷至。下兵部察議。三年四月
敘功。由三等梅勒章京世職。加爲三等昂邦章
京。是年。隨定遠大將軍肅親王豪格。征四川流

寇張獻忠大破之。陣斬獻忠。準塔復同貝勒尼堪。貝子滿達海。固山額真杜雷。覺羅巴哈納馬喇希。蘇章京。鰲拜。巴圖魯。墨爾根。轄哈寧阿。車。爾布。德爾德赫等。分兵征勦遵義。夔州。茂州。榮。昌。隆昌。富順。內江。資陽等處。斬僞王及巡撫。道。官。總兵。副將。叅遊都司一千餘員。兵丁無算。獲。馬。騾一萬二千四百餘。川寇悉平。四年。凱旋卒。五年六月。敘元年以來功績。準塔巴圖魯。共敗。敵二十四次。攻取五城。加世職爲一等精奇尼。哈番。因無子。以其弟阿喇密襲職。順治十二年。

十月。追諡開國功臣。準塔巴圖魯。諡襄毅。阿喇。密襲兄職。遇。

恩詔。歷加至三等伯。仕至內大臣。次子殷達。仕至副都。

統。胡什布者。準塔巴圖魯第五弟也。初分襲父。世職。得拜他喇布勒哈番。從征大凌河陣亡。加。一拖沙喇哈番。以其子呼禮襲。丹布者。準塔巴。圖魯第八弟也。初任侍衛。歷陞至一等。又推伊。父達爾漢轄之功。授爲拜他喇布勒哈番。遇。

恩詔加一拖沙喇哈番。康熙十三年。隨征逆藩耿精忠。

至江西。遇陳朱二賊帥。率賊兵六千餘。在鄱陽。

湖漢口村地方拒敵。丹布率本旗兵擊敗之。由拜他喇布勒哈番。加一拖沙喇哈番。遂授爲三等阿達哈哈番。又隨大兵征勦厄魯特噶爾丹。敗賊有功。加世職爲二等阿達哈哈番。丹布第四子拉薩禮。任整儀尉。從征福建海寇。戰于廈門陣亡。卹贈拖沙喇哈番。其第五子達吉。初襲父拜他喇布勒哈番。又一拖沙喇哈番世職。從征雲南。以功加授爲三等阿達哈哈番。康熙三十五年。從征噶爾丹。又以功議敘。加爲二等阿達哈哈番。

康果禮額駙。滿洲正白旗人。姓那木都魯氏。世爲綏分地方屯長。

太祖高皇帝庚戌年十一月。

特命額亦都巴圖魯率兵千人。往東海渥集部之那木都魯。綏分。寧古塔。尼馬察。四路。招其路長。康果禮。與烏祿喀。明噶圖。巴顏。三人。首先來歸。

太祖嘉其慕義。賜金銀錦緞等物。康果禮因

奏請將伊弟喀克都里。哈哈納。綽和諾。依勒占。蘇爾休等五人爲首領。壯丁千餘人。將所居通肯。哈達。渾。褚。河等處田宅。盡行棄去。率其民人奴

僕盡來歸附。

太祖大喜。遣大臣往迎。每日止宿處。俱設宴勞之。至之日。

聖駕親往迎勞。旋以弟青巴圖魯貝勒女妻康果禮。授爲額駙。又

特諭大臣言。那木都魯比各國號爲強盛。著將其人另編六牛彖。設捕獵者六人。康果禮與其弟喀克都里。并授三等總兵官。世職。哈哈納。授副將。世職。綽和諾。授遊擊。世職。伊勒占。蘇爾休。授守備。世職。天命三年四月。康果禮從大兵征明。取撫順。五月。取撫安。

等十一堡。進鴉鵲關。破清河城。并在事有功。六年。從大兵征明。攻遼東瀋陽。康果禮設雲梯先登。遂克其城。十一年八月。

太宗文皇帝嗣位。設十六大臣。分理八旗政事。康果禮居其一。尋授纛章京。緣事罷免。天聰五年卒。子六人。次子麥色。以擺牙喇章京從征塔山陣亡。第四子賴塔。最知名。仕至都統。征南大將軍。自有傳。杭齊者。麥色之子也。順治十一年。挑選爲三等侍衛。十五年。陞二等侍衛。康熙七年。陞護軍叅領。十三年。從征逆藩吳三桂。由陝西進兵。

途中委署護軍統領。十六年陞副都統。十七年隨安遠靖寇大將軍貝勒尙善敗賊於洞庭湖。論功授拖沙喇哈番。十九年陞護軍統領。二十年病故。子西圖庫襲。

喀克都里。康果禮額駙之弟。

國初同其兄康果禮等率眾來歸。即授三等總兵官世職。天聰元年從征朝鮮。先登陷陣。朝鮮人畏服受盟。旋任正白旗固山額真。三年。

太宗文皇帝親統大兵征明。十一月壬午朔集諸貝勒羣臣定議。於初三日攻遵化城。以喀克都里率

本旗攻東面之北。士卒奮勇先登。是日克遵化。旋敘功。

太宗以喀克都里造梯堅固。且親督本旗兵先登。

特召至御前。親酌以金卮。加授世職。為二等總兵官。賞駝一。蟒緞一。素緞九。五年五月。

太宗發馬兵一千五百。步兵四千五百。以總兵官楞額。禮為右翼主帥。喀克都里為左翼主帥。往征南海島。

特諭之曰。爾等所率之兵。總計雖多。然固山每甲喇各有主將管轄。以固山甲喇牛朵分轄之。則少。當加意

統理勿得懈怠。我與朝鮮為交好之國。秋毫不可有犯。勿縱劫掠。至於招降島中漢人。爾等勿與其事。可令副將石國柱。高鴻中。遊擊佟三。李思忠等往招。如不降。則向朝鮮索舟攻取。倘朝鮮不與船。可令阿朱戶。馬福塔往諭之。六月戊辰。出南島遣人奏言。我兩路兵因朝鮮不與船隻。於二十六日起行而還。擒獲明人訊之。言黃總兵率兵五千。於五月五日。自內地來島中。又察哈爾率兩紅旗監守所。得小船。明兵來犯。穆世屯及二卒陣亡。我兵奮勇逆擊敗之。復得其小船三隻。岸上明兵不能

登舟。溺死者半。七月。與楞額禮率師還。以俘獲人畜綉緞財物。盡賞陣亡被傷將士。有差。喀克都里勇敢善戰。

賜號噶思哈。言疾如飛鳥也。天聰初年。即與兄康果禮并在十六大臣之列。歷任至固山額真。嘗以功賜漢人一千為其屬下。六年病卒。緣事追革職銜。孫蘇滿。仕至都統。昂武者。康果禮額駙之弟。喀克都里之兄也。初同兄弟率丁壯來歸時。值

太祖高皇帝始編牛彖。即以其來歸丁壯。分編六牛彖。令昂武管其一。又授為甲喇章京。因人材壯健。

置於十六章京之列。天命四年。隨大兵征葉赫。首先破敵。遂取葉赫城。以功授叅將世職。病故。以其子馬克圖承襲。馬克圖初襲父職時。

太祖高皇帝召見。嘉其人材壯健。因將宗室公達爾察之女格格賜與爲婚。至年十八歲。

太宗文皇帝授擺牙喇甲喇章京。崇德元年。隨征朝鮮。進攻平壤。乘船隨鰲拜。準泰船隻登岸。跳入平壤。以功再加一牛录章京。併原襲世職爲三等甲喇章京。同諸王貝勒等朝見。

太宗特諭。似此効死力之人。宜加優卹。如貧乏務使富足。因賞玲瓏鞍馬。奴僕銀兩。緞疋衣服等物。尋以委署纛章京從征。率兵連取二城。以疾卒於軍中。以其子馬哈達襲職。馬哈達子海壽。歷官戶部尙書。

賴塔。康果禮額駙第四子也。順治元年十一月。任本固山擺牙喇甲喇章京。十三年三月。陞本固山纛章京。康熙八年六月。陞本旗蒙古都統。十二年十二月。吳三桂反於雲南。十三年三月。耿精忠亦據福建反。四月辛亥。

聖祖仁皇帝諭議政王大臣等。將副都統馬哈達胡圖

部下兵。及將軍華善所分遣兵。以都統賴塔爲平南將軍統之。赴杭州勦禦。馬哈達。胡圖。并同叅贊。其杭州駐防官兵。仍聽將軍圖喇統轄。一切勦守事宜。賴塔圖喇商酌以行。時平南王尙可喜。疏請發兵。五月。聖祖特諭將軍賴塔。旣抵杭州。可與將軍圖喇。總督李之芳。提督塞白理。會商平陽衢州等處緩急機宜。猶恐勢分力薄。其以駐劄江寧將軍阿密達。所轄包衣佐領官兵。令副都統喇哈達。領赴浙江。聽賴塔調度。時杭州將軍圖喇病免。以喇哈達代之。六月。

聖祖諭喇哈達及賴塔曰。爾等皆國家股肱大臣。委任

封疆重務。凡事宜商確者。移會關通。協心謀畫。以副朕委任之意。勿各執己見。致有貽悞。務念國事爲重。用茂厥績。尋以康親王傑書爲奉命大將軍。同貝子

富喇他。往浙江督師。將軍賴塔。副都統喇哈達。紀爾塔布。仍叅贊軍務。七月。耿逆賊兵犯金華府。賴塔遣副都統馬哈達。雅塔理等。督官兵擊敗賊衆。八月。耿逆賊兵復犯金華。遣副都統喇哈達等。率領官兵往勦。自七月十三日至十八日。九次合戰。擒斬賊衆甚多。恢復諸暨義烏二縣。八月。同浙江總督李之芳。遣援勦總兵官李

八旗通志 卷一百五十三
榮領官兵至金華進剿。陣斬一千餘人。生擒一百五十餘人。焚其木城。副將鮑虎。砍賊五營。乘勝恢復淳安縣。捷聞。并奉

旨嘉獎。下部議敘。十月。僞都督周烈。僞總兵桑明等。率賊二萬。由常山謀犯衢州。賴塔同總督李之芳。遣副都統喇哈達。胡圖等。統滿漢官兵。擊敗賊衆於焦園等處地方。斬賊萬餘。十二月。僞總兵桑明等。復領賊五萬餘犯衢州。賴塔遣滿漢官兵。於十一月二十四日。連擊敗之。殺賊萬餘人。捷聞。并下部議敘。十四年三月。復遣副都統喇

哈達。胡圖。總兵官王廷梅等。擊敗耿逆僞將軍馬九玉等賊衆於衢州。斬級萬餘。擒僞都司等。五月。耿逆賊兵屯扎前嶺。各路賊巢。互相應援。賴塔同總督李之芳。分遣正白旗叅領巴雅思呼朗。叅將趙德壽。領兵前至南塘。萬青嶺等處。分路衝殺。擒斬僞都司千總等。八月。耿逆僞將軍馬九玉。遣僞副將李廷魁。率兵數千。屯扎衢州府北元口山上。截我餉道。賴塔分布滿漢官兵。攻賊木城內四營。圍其三面。乘夜攻擊。至天明衝入。賊不能當。遂敗走。官兵追剿。斬獲甚衆。

焚其木城。又有逆賊盤踞衢州河西一帶。於十四日舉火。突犯駐防官兵營汛。八旗兵弁奮勇擊賊。自朶口追剿二里許而還。捷聞。下部議敘。十五年八月。耿逆偽將軍馬九玉等領賊眾數萬人。據守衢州河西。賊將林福等扎營大溪灘。輓運糧餉。奉命大將軍康親王傑書催促進兵。遂抵衢州。賴塔與總督等議。先斷賊餉道以奪其勢。於是月十五日。賴塔親率滿漢兵宵抵大溪灘。奮擊大敗之。乘勝進取江山縣。馬九玉大懼。棄營遁。賴塔率副都統馬哈達等。於二十日

進至仙霞關。分路夾攻。次日偽叅將金應虎等獻關迎降。官軍長驅而進。二十三日。攻拔浦城縣。時逆賊猶屯扎建陽。賴塔同吉爾塔布等。於九月初三日領兵進剿。擊敗賊眾。克建陽縣城。復進兵建寧府。賊遁。恢復府城。獲偽劄軍械無算。十月。隨康親王傑書大兵抵福州。耿精忠降。捷聞。得

旨嘉獎。下部議敘。十六年正月。同寧海將軍喇哈達等

率領大兵。進剿興化。連破二十六營。陣斬偽總督趙得勝。偽總兵副將等六十二員。恢復興化

府城。僞總兵郭維藩。以仙遊縣來降。三月。康親王傑書。選將士有馬者。令賴塔與喇哈達率之。同耿精忠先赴潮州。勦叛鎮劉進忠。六月庚午。諭康親王傑書。據筆帖式塔穆哈圖報潮州劉進忠已於本月初六日投誠。今劉進忠復遺書吳三桂。平南王尙之信舉發。是劉進忠投誠。本非真心。不過是勢窮就撫。且又總兵官劉炎所遺吳三桂書。亦皆搜獲。其心迹與劉進忠畧同。此等皆心懷反側。久留潮州。必致生變。若果已投誠。康親王等卽託言欲與相見。以計撤回。留駐福州。設或遲疑未至。速行奏聞。劉進

忠等旣撤。則令將軍喇哈達以兵之半守漳泉。都統賴塔率其半守潮州。仍令尙之信遣原任潮州總兵官王國棟。盡率其標兵詣賴塔處協守。九月。康親王傑書疏言。漳泉諸處平定。臣等隨授賴塔平南將軍印。暫守潮州。十七年十月。海賊劉國軒犯泉州。賴塔率領滿漢官兵。敗之於柯鑑山。萬松關。十八年正月。劉國軒等復率賊兵八千。至郭塘。歐溪頭地方立營。欲斷江東橋。以犯長泰。賴塔與總督姚啟聖。提督楊捷等。統領滿漢官兵。直逼賊營。令副都統紀爾他布。巡撫吳興祚等。

領兵擊之。大敗逆賊劉國軒、吳淑、何祐。追至江邊。斬首二千餘級。生擒偽總兵一名、偽副將二名。獲器械無算。三月。同昭武將軍福建提督楊捷等。至下杭山等處。擊敗海賊。多所斬獲。五月。劉國軒等復侵犯江東橋。賴塔統領官兵迎擊。賊敗走太平寨。率我兵進追。殺賊千餘人。先是。總督姚啟聖疏言平南將軍賴塔久鎮潮州。兵民俱已心服。今在漳州。宜令兼轄潮州。

上允之。八月。賴塔疏言。臣身在漳州。與賊對壘。且滿洲大兵。係大將軍康親王統轄。潮州地處遙遠。實

難兼轄。

上諭成命已頒。仍令將軍賴塔兼轄潮州。如須用滿洲大兵。許一面酌量遣調。一面申報大將軍康親王。十九年二月。賴塔以水師提督萬正色孤軍進剿海寇。遂會同總督姚啟聖等。分統水陸官兵七路。并將弁奮勇攻破陳州馬洲灣腰山觀音山展旗等寨一十九處。殺賊甚衆。五月。復會同提督侯襲爵率領官兵大敗海寇於潮州府之大濠堡磊石等處。又遣官兵追剿劉國軒等克取銅山。焚毀賊巢。九月乙丑。

聖祖特諭議政大臣等。頃因逆賊侵逼四川。滿漢大兵已諸路進剿。大將軍貝子章泰。將軍總督蔡毓榮等。於是月十二日。以次進定貴州。今廣西一路。亟宜速入。以定雲南。將軍賴塔。在福建廣東。勞績素著。可授爲大將軍。赴廣西。調遣廣西滿漢大兵內。精銳有馬者。或五百人。或千人。親率之。赴南寧。廣西所有一應大兵。俱聽簡擇率往。副都統博濟。統餘兵。暫守廣東。賴塔勅印。可速往送。其原在平南藩下官兵。如可帶往。聽賴塔酌量率之前行。尋議覆。授賴塔爲征南大將軍。是歲冬。賴塔直趨廣西。率領大兵。由泗城

進兵。抵西隆州。吳逆僞將軍何繼祖等。擁衆萬餘。距安籠所三十里。堅據石門坎隘口。拒敵。其地高出雲表。羊腸石徑。賴塔先令都統貝勒希佛。馬緝。護軍統領額赫訥等。以二十年正月初一日。率前隊官兵仰攻。自與副都統洪世祿。赫勒布。總督金光祖。分兵二隊。以繼其後。是日元旦。賊衆防守稍懈。遂大敗賊衆。斬殺甚多。奪石門坎隘口。恢復安籠所城。僞總兵陳義魁。率衆迎降。捷聞。得

旨嘉獎。下部議敘。賊將何繼祖等。自石門坎敗遁。至新

城所。會僞將軍詹養等率衆二萬人據黃草壩。驅象迎敵。賴塔於二月初二日分布滿漢官兵進戰。自卯至未。賊衆大敗。奪其營二十二。生擒僞將軍詹養。王有功及賊衆千餘人。獲象馬無算。捷聞。奉

旨。賴塔自閩廣深入雲南。獨先諸路。大敗逆賊。調度有方。將士奮勇。殊屬可嘉。有功人員。俱從優議敘。賴塔復統大兵。自黃草壩抵曲靖府。僞總兵尹士元。僞道員劉世忠。率僞官投誠。卽於是日遣兵進取交木城。斷賊中路。僞將軍線絨等皆遁走。十

五日。分遣都統希佛。馬緝等。自曲靖府起行。恢復馬龍州。易龍所。十六日。復楊林城。聞賊於渾水塘。嵩明州等處立營。乃遣夸蘭。大石塔等。先勦嵩明州賊。奪門入城。賊遁走。追殺甚衆。生擒僞遊擊一人。守備二人。賊兵百餘人。是夜渾水塘屯賊亦遁。三月。與定遠平寇大將軍固山貝子章泰。綏遠將軍湖廣總督蔡毓榮等。大兵會合。分隊前進。先後至雲南省城東北四十里。營於歸化寺傍。二月二十一日。逆賊吳世璠遣僞將軍胡國柄等。率馬步兵萬餘人。出城列象陣。

八旗通志 卷一百五十二
拒戰。賴塔等率滿漢兵分隊進擊。自卯至酉。大敗賊衆。追至城門。陣斬僞將軍胡國柄。劉啓隆。及僞總兵九員。生擒六百餘人。獲甲仗旗幟馬匹無算。八月。賴塔疏言。進剿滇南時。曾留部兵每佐領三人。駐扎廣西南寧府。今雲南南寧相距甚遠。難以遙制。乞撤此兵還京師。得。

旨。雲南省城。尚未恢復。南寧之兵。不便撤。雲南南寧相距甚遠。難以遙制。此兵可令大將軍簡親王喇布兼轄。十月初八日。賴塔等統領滿漢官兵。進薄雲南省城下。并力環攻。賊勢惶迫無措。二十八日。逆孽

吳世璠自殺。二十九日。逆黨線絨等率衆出城降。遂擒首謀獻計之僞大學士方光琛等。至軍前磔之。戮吳世璠屍。傳首京師。僞官弁一千五百八十餘員。兵五千一百三十餘名。俱投誠。雲南平得。

旨。覽貝子等奏。統領滿漢官兵。遵奉成命。恢復雲南省城。疆宇蕩平。具見籌畫周詳。調度有方。剿撫并用。克奏膚功。朕心深爲嘉悅。著從優議敘。時僞將軍夏國相等。敗遁廣南。賴塔與貝子章泰。檄令土儂朋及臨安總兵官李國樑。率師追剿。夏國相降。又

遣都統希佛追剿逆賊胡國柱等至雲龍州之青里屋。國柱自縊。僞帥王敘、李匡皆自焚死。僞將軍王公良等率餘衆來降。二十一年十月甲申，賴塔與定遠平寇大將軍貝子章泰自雲南凱旋至京。

聖祖特率在京諸王貝子公等，內大臣、侍衛、八旗都統、精奇尼哈番、阿思哈尼哈番及滿漢大學士、尙書、侍郎、學士等官郊勞。越蘆溝橋。

駐蹕乙酉，復迎至二十里外，列燻鳴號拜。

天行禮。二十二年十月庚申，吏部等衙門以尙之信名。

下應入官婦女爲都統賴塔帶回，請取口供。

上曰：賴塔自福建直抵廣東雲南，係効力勤勞，樹立大功之人，帶回婦女，事甚細微，無大關係，因此遂與衆犯一同取供，覺有未當，如事有牽連，應取口供。爾等親詢，勿因取口供以無禮加之，致失朕眷顧功臣之意。賴塔旣歸，仍任正白旗滿洲都統。二十三年十二月卒。

賜祭葬如典禮。又加祭二次，諡曰襄毅。雍正五年十月十三日，欽奉。

世宗憲皇帝諭：正白旗原任都統賴塔，當三逆變亂時。

伊統兵征勦。克復雲南。功績茂著。朕恭閱

聖祖仁皇帝實錄。備悉其詳。因伊身有過犯。其功過適足相抵。是以未封公爵。給與阿思哈尼哈番。在國法實爲允當。且當日之不優封賴塔者。欲使立功之人。咸知儆惕收斂。不可恃功驕肆妄爲。今事歷多年。後人已知鑒戒奉法。著將賴塔追封爲一等公。令伊孫撥爾吞承襲。

瓦爾喀朱瑪喇。康果禮額駙之族人也。先世居瓦爾喀渾春地方。至朱瑪喇以材勇侍從。

太宗文皇帝持豹尾槍扈衛禁中。天聰八年五月。以其

辦事有能。不違指使。授牛象章京世職。時葉赫亦有同名者。

太宗特賜名瓦爾喀朱瑪喇以別之。又

賜銀五百兩。奴僕十人。尋奉

命率噶布什賢十人。送巴爾圖奇額駙回原籍。半途遇

叛逃蒙古。率伊妻子奔走。朱瑪喇追之。拿獲帶

撒袋男子十七人。共家口四十三人。

太宗大喜。賞金玦一枚。銀盤四面。女子一名。所俘獲四

十三人中。有名五十布者。一家共九口。仍賞給

爲奴。崇德三年七月。從征額倫堯色生庫勒額

黑庫倫地方。於軍功俘獲人數外。多獲二十九人。論功加半個前程。是年從貝勒岳託征明。過北京。豎雲梯攻故城縣。同伊里布乘夜潛克之。遇明侯總兵來援。徒步殺入敵陣。右腿得重傷。二處。遇明太監高起潛兵。帶傷進戰。仍擊敗之。左脇又得重傷一處。旋送肅親王豪格出邊。遇明邊城兵來犯。同阿薩里步戰敗之。又遇明太平寨兵。同西圖從和碩達爾漢額駙兵。徒步先衝敵陣。持斧砍毀鹿角。推倒挨牌。手被砍傷不退。遂破敵兵。四年。從曹海沙慕什哈征撒哈連。

吳喇獨俘獲二十九人。遂同和陀由雅克薩城邊放火處衝殺前進。撒哈連烏喇人叛。奔博果爾。復合兵來戰。朱瑪喇同曹海伏兵擊敗之。五年六月敘功。加授世職。爲三等甲喇章京。

賜鞍馬一匹。大莊屯一所。屯中家口共四十三人。七年。

從大兵圍明錦州。明松山馬兵來奪我紅衣礮。卽率本甲喇兵奮擊敗之。其左翼未敗餘兵。復來圍繞我師。卽同雅爾納擊敗之。被紅衣礮子。

命蓋蓋
來圍繞我師。卽同雅爾納擊敗之。被紅衣礮子

太宗震悼。賜宋錦御褥蟒被各一。以爲殮具。至第三日。

太宗甚喜。令加意調養。傷愈。卽奉

命監造

盛京塔工。塔成迅速。賞貂裘。捨猓獾裘各一。馬一匹。銀三百兩。旋往防守哈達山寨。有敵兵來犯。竟夜拒戰。斬殺四十九人。獲甲三十九副。雲梯九架。挨牌七面。身被三傷。八月敘功。加授世職。爲二等甲喇章京。任吏部理事官。八年十二月。以考滿辦事有能。加授世職爲一等甲喇章京。順治元年。從睿王多爾袞入山海關。擊流賊馬

步兵大敗之。聞馬山。有土賊。卽往剿。見我兵駐立之處。有土賊來犯。卽同覺羅郎邱阿爾布尼擊敗之。二年二月敘功。由一等甲喇章京。加半個前程。十二月。隨定西大將軍何洛會進剿四川流寇。八大王張獻忠賊兵第一隊來拒。朱瑪喇首先奮擊敗之。何洛會卽於軍前委朱瑪喇署理梅勒章京。同尙書覺羅巴哈納。一路進剿。旋偕護軍統領阿爾津。蘇丹等合兵大破賊衆。聞流寇高寨之衆。屯扎禮縣之南。卽同尙書

博興。與鼐等擊走之。三年。大將軍木五。四川未

八旗通志 卷一百五十二
朝廷復以肅親王豪格爲靖遠大將軍。來征四川。朱瑪喇仍隨師進剿。十二月。官兵破賊於西充。陣斬張獻忠。尋下各郡縣。四年。凱旋。時何洛會方附會睿王多爾袞。構陷肅親王。朱瑪喇以不能依附。所有軍功。俱不許議敘。止。軍前未詳。

賜銀七百五十兩。馬一百匹。莊地一所。共四十頃。又賞黑爾根蒙古十人。六年。隨英親王阿濟格征大同。叛鎮姜瓖。至左衛。見城內賊兵沿壕而來。朱瑪喇迎擊敗之。又隨敬謹親王尼堪往太原。敗姜瓖。寧武關賊兵。賊於山岡後設火礮相拒。卽

率甲喇章京吳庫禮等破其衆。七年。九年。三遇恩詔。屢進爲一等阿思哈尼哈番。是年。實授梅勒章京。

十年。三月。卒於官。年五十三歲。以其弟伊瑪喇襲所得世職。伊瑪喇早從征伐。屢立戰功。順治三年。已任噶布什賢轄。與兄朱瑪喇并從靖遠大將軍肅親王豪格往定四川。任前軍護衛。賊黨趙雲桂圍保寧。伊瑪喇與賊戰。注矢射雲桂目。應弦倒。乘勝追擊。保寧圍解。四川平。我兵凱旋。至十年。乃襲兄朱瑪喇一等阿思哈尼哈番。康熙十三年。逆藩吳三桂據雲南反。四川爲賊

所陷。陝西提督王輔臣亦殺經畧莫洛叛應之。十四年伊瑪喇以叅領充夸蘭大。隨揚威將軍阿密達往征。至寧州城外。賊僞總兵吳二。袁四。率賊兵千餘人拒敵。伊瑪喇率綠旗官兵擊敗之。復隨平西大將軍貝勒董額往攻平涼。距其城八里。王輔臣子僞總兵王繼正率賊萬餘人來拒。伊瑪喇隨大將軍力戰。從巳時至未時擊敗其衆。十五年五月隨撫遠大將軍圖海攻平涼。奪城北護山墩。又敗僞總兵王繼正等。十八年六月隨撫遠大將軍公圖海至益門鎮之西。

南山高處。擊僞將軍陳君極敗之。因少一末等功牌。未及議敘。二十七年十月告休。三十四年五月病卒。長子能泰襲佐領。次子滿色襲一等阿思哈尼哈番。伊瑪喇與兄朱瑪喇并以平定四川功德在人。崇祀四川名宦祠。六十一年十一月。

恩詔。凡効力行間將士。若有少一二功牌未得官者。著該部查明具奏。兵部查議。將伊瑪喇少一末等功牌。未得官情由具奏。奉

旨。伊瑪喇係血戰有功之人。殊可矜憫。特賜拖沙喇哈

番。仍與長子能泰承襲。能泰仕至都察院左都御史。

次子滿色仕至副都統。

諸將查明具奏。兵部查辦。該將領少一。未受皮靴。請以校仗。行間。該士。請存少一二。皮靴。未將官。各。各。

一民。一。

四川。世。蘇。五。人。崇。順。四。川。各。官。疏。六。十。一。平。十。

何。思。谷。武。合。番。中。無。陳。典。及。亦。無。陳。洪。以。平。安。

正。月。南。卒。長。子。納。泰。襲。其。職。次。子。滿。色。襲。一。等。

世。職。未。及。請。給。一。十。一。年。十。月。廿。八。日。廿。四。日。

南。山。高。鳳。舉。為。漢。軍。刺。骨。淋。娘。之。因。少。



卷一